


浙江通志 三十九


關梁六
古蹟一



漢書門			
二三五二號	函	架	冊
一〇	〇	一〇	一〇

內閣文庫			
二九二	一三二	二五二	漢書
一〇	〇	一〇	架冊號類

內閣文庫			
番號	漢	2352	
冊數	120 (19)		
函號	292	48	



勅修浙江通志卷三十八

關梁六

淺草文庫

嚴州府

建德縣附郭

縣治橋

建德縣志在縣前明萬曆十一年知縣俞汝

為建

元橋

嘉靖浙江通志在郡治南嚴陵志舊名卧龍

明洪武初改名宣威正統十三年知府黃澍以郡人


商輅中三元立坊其上橋亦以名

建德縣

城外關梁

烏石關

嚴陵志在縣東十五里



謹按烏石關以烏石山而名江流所經下有烏石灘
又有三河關在府南四十里卽東陽江渡口也唐置
三河戍於此宋爲三
河驛當金華大道

鮑公橋 [建德縣志] 在城西和義門外龍山之水從北
門遶城至武定門以達西湖向有磚橋跨其上

呂公橋 [嚴州府志] 在城西一里爲徽寧及淳遂壽經
行之要路當山谿之水直入大江行道患涉明萬曆

三十八年知府呂昌期捐俸倡成

余浦橋 [新定續志] 在朝京門外宋景定辛酉建圮於
水郡貢士王炎重築嚴陵志明洪武初重建成化七

年知府朱暉復拓而新之

國朝康熙七年協鎮鮑虎改建石橋圍以石欄

苔溪橋 [建德縣志] 在城東南十五里通浦江爲浙東

要衝明萬曆三十五年建復於橋之西建一巷以護
之知府呂昌期題扁曰長虹永鎮

國朝康熙元年重建後山水衝決橋圮爲木筏以渡行人

胥村橋 [嚴陵志] 在縣東北三十二里胥村舊名朱紫

橋明洪武三十二年建正統間圮宏治五年知府李
德恢勸諭邑人王景貴捐貲重建長二十餘丈改今

名 李德恢
爲記

風礪橋

新定續志在陪郭塢有亭八楹宋景定辛酉

圮於水嚴陵志明永樂十六年九峯寺僧重建

濟川橋

明一統志在府城東北五十里白馬澤嚴陵

志元至正七年里人吳元俊重建

賀方為記

招賢橋

建德縣志在城西六十里嘉靖浙江通志漢

會稽太守朱買臣嘗寓此築室讀書鑿池為滌硯所

後人因名曰朱池又名其里與橋皆曰招賢

烏石渡

紫溪渡

嚴州府志二渡在東關下五里風

濤最險時有覆舟之患明萬歷四十年知府呂昌期

捐造船二隻分為上下兩渡令其遇風覆舟協力相

救聞則渡人往來仍置田六畝以給工費

淳安縣

錦溪關

舊浙江通志在縣東六十里

謹按錦溪關其地有小溪巖怪石巉削水陸俱險嘉靖間知縣洪英明設關於此以禦礦寇

青溪橋

嚴陵志在縣南跨溪為浮梁舊名百丈橋宋

淳熙六年知縣陳曄建

胡南逢百丈橋記淳安舊名青溪以瀨溪而名也源自黟

歙東注浙江旁連衢信甌閩諸郡以趨吳會往來櫛比朝夕不絕舊有浮梁規模狹小車馬之蹂躪雨暘之剝蝕漫不加飭至布板以渡渡者凌兢或墊溺以葬魚腹令尹慨然捐俸以先之邑人皆喻歡趨樂助命僧如海總焉自始庀工越五月而竣南北百丈因以名橋堅厚平夷如通衢軌道行者嘆因循之久而作新之速又念風雨燥濕之不齊腐朽波蕩之不保於後也市田百畝有奇歲收其入使修者有繼較夫

粉飾目前而不計異時以傳舍梯榮者相去億萬鄉父老屬予為記乃次第其語題於橋之礎庶幾適人過之或撫以上聞也慶元三年知縣鄭擢新之淳祐丙午知縣

虞兢改今名

王遂青溪橋記淳祐六年淳安縣青溪橋成知縣事凌陽虞君兢求文以誌不

朽淳邑山溪上受歛流下過錢塘而注之海比歲邑多水患屋廬漂蕩津梁之設屢修輒毀虞君捐俸錢四十萬為之倡官吏人士駢首聚財長橋貫之為節一十有八浮橋跨之為節二十有七紐鐵聯舟其數一倍始於秋七月成於十月妄費盡省而徒枉輿梁之病不聞易名青溪廢興之故曷可以不記因采民之歌而繫以詩

馬踏橋

嚴陵志在縣東一里相傳昔有仙人騎馬過

此馬跡猶存

西礪橋

嚴陵志在縣西三里上有戈府君祠又名戈

安橋淳安縣志

一名武安橋邑人洪本美重修

惠人橋

新定續志在龍山鄉跨合洋溪長三十丈累

石為趾架屋其上

嚴陵志宋淳熙二年重建一名合

洋橋

陳暉合洋惠人橋記合洋有溪衝衝絡釋行李問津憧憧不絕異時編新獨木以濟投步惴心

若春夏淫潦狂湍全來則蕩析委波而逝咸逾旬阻絕無以濟不通民病涉久矣今為橋其上修三百尺廣十二尺負幹甚隆布版則密覆以長廊掖以朱闌堅縝傑麗長虹卧波若濟巨川毋假舟楫予嘗揆諸易凡履險者必曰涉川所以利涉而濟險者惟橋若豈惟橋哉凡爾民處心惠濟毋行險而胥溺毋薄人於險能如是橋以通往來無彼此隔阻之虞居斯世也豈不砥如坦如砥底蕩平哉是為記淳熙二年徒枉輿梁告成之月也

平水橋

嚴陵志在縣南五十里溪流峻急涉者每有

平墊溺之患明成化間知府朱暄通判劉永寬始為木橋以濟之名平水橋

聚星橋 淵鑿類函在縣東南五十里相傳宋時近橋有邵氏前後五人登第故名

魁星橋 明一統志在縣東北六十里以其地有魁星石而名

馬巖橋 新定續志在安福鄉制如合洋橋而其長過之

仙人橋 嚴陵志在縣西八十里尹山銅源古有汪聖僧菴橋居菴前其北一石儼立若人鄉民因以禱祠

焉

青溪渡

嚴陵志在縣南一名縣前渡

楊斡過青溪渡詩天淵銜江雨

濛濛上客衣潭清魚可數沙晚鴈爭飛川谷出雲氣鶉鳴傍釣磯飄零江上客欹側一帆歸江暉寺溪夜渡詩月沉河靜水無烟獨倚中流欲進船兩岸山光涵夜色數聲漁唱白雲邊

桐廬縣

水關 嚴陵志在縣東二里桐江口

謹按水關當桐溪入江之口合江巡司置於此又有浮橋關在縣北五里桐溪上柴埠關在縣東南二十里柴埠灘舊有兵戍亭

寶慶橋

新定續志縣市橋桐廬縣志宋嘉定間令趙

汝憚建橋成適改元寶慶因名俗呼縣橋

進賢橋 嚴陵志在儒學前明宣德間邑人姚惟可斃石為橋教諭陳鈞訓導胡如暘等復高廣之大使藍致發路桐廬縣志俗呼為新橋

龍津橋 桐廬縣志在上坑埠一名邏浦橋又名楊家水橋明洪武元年洪水衝圯宏治間邑人王希哲義民王孔昭重建

丁橋 嚴陵志在縣東北十三里相傳昔有丁丞相者養馬於此為澗所隔因造橋以渡後人遂以名之

濟川橋 嘉靖浙江通志在縣西北十五里桐廬縣志宋嘉定年里人重建易以石今名霧露橋


安福橋 桐廬縣志在縣西北二十五里明宏治年義士柴溥率眾建尋圯正德間溥獨重建萬曆三十五年又圯王應德募建

國朝順治十二年大水壞邑人柴文卿王家臣等募建石梁二洞

朝京橋 嘉靖浙江通志在縣西三十里當驛路要衝宋淳熙十三年建

世濟橋 明一統志在縣西北三十里元至正六年里人姚壽翁建翰林學士承旨歐陽元書額

朱橋 嘉靖浙江通志在縣東南三十五里漢朱買臣



嘗負薪於此故名嚴陵志一名朱家橋元至正三年里人重建

月梁橋 桐廬縣志在縣東南三十五里橋灣如月故名

袁闡橋 嚴陵志在縣西北三十五里路當溪險歲久

壞宣德間里人喻叔良募緣重建

國朝順治十八年圯皇甫應谷募修康熙十一年復圯皇

甫一璋等重建

凝紫橋 嚴陵志在縣西北四十五里元大德二年建

浮橋渡 桐廬縣志在縣北三里宋名裏口渡景定五

年令胡太古建浮橋以船為之德祐末文丞相潰軍

數萬至東溪縣令李友仁撤浮橋拒之遂廢自元迨

今設舟以濟猶呼浮橋埠有渡田若干畝

遂安縣 嚴陵志在縣南跨溪為浮梁邑士王總得捐

鍾義橋 嚴陵志在縣南跨溪為浮梁邑士王總得捐

田五十畝命永濟菴僧掌其入隨圯即修往來者德

之菴廢橋毀邑人為舟以濟遂安縣志一名南韓橋

明嘉靖間邑民王思洪倡義建橋墩十一架屋覆之

十八年大水墩屋盡壞隆慶間知縣周恪建木橋萬

曆辛亥知縣韓晟修復石墩架板成橋壬子大水復

壞自後仍用板橋歲歲修易以為常

王穉登寄題南韓橋詩山縣橋

成帶郭斜詩傳鴈足寄天涯虹蜺跨漢波千頃烏鵲浮空邑萬家曉涉不勞歌瓠葉春流還許泛桃花濟人誰似神明宰漆泃乘輿莫漫誇

龍渡橋

萬歷遂安縣志在縣東三里洪武二十八年

建

姜石安題龍渡橋詩龍溪遠與大江連驅石為橋不記年虹影靜搖波底月鴈行斜渡澗烟風清

客使歸驄馬日落漁人繫釣船愧我自非題柱客也應從此去朝天

買儀橋

嚴陵志在縣南十里明景泰元年里人王智

榮建地名買儀因名

豹石橋

嚴陵志在縣西十五里溪旁有巨石如豹故

名

東亭橋

嘉靖浙江通志在縣東二十五里其水自北

來者出於松源自東北來者出於東塢自西北來者

一出於燕源一出於霞嶺四水流至東亭之地始合

為一萬歷遂安縣志成化十三年嚴州府通判劉永

寬修建邑令朱福董成之

蕭彥立重建東亭橋記東亭在邑東僅一舍許舊有

橋年久傾圯大尹朱福少尹張敏虛端幕仲士高各輟俸資以倡改作上其事於郡邑之耆庶欣然助費於八月癸未始事其制中為二墩墩之形南則正方北則斜銳其上以殺水怒兩崖皆為石堤而中拱其脊仍設扶闌於上以防顛墜其崇一丈八尺廣如之修五倍於崇之數而加強焉冬已卯訖工

風沂橋

萬歷遂安縣志在縣西三十里舊名豐沂元

至元間改今名明天順間里人毛希誠重修正德三

年毛彥恭因其頽用石捲砌入

馬石橋 遂安縣志縣西三十里相傳明太祖略地新

安過連岑至此旋師於石間上馬因名

龍峰橋 嚴陵志在縣西四十里一名壽春橋明正統

間重建

黃村橋 嘉靖浙江通志在縣西北四十里萬歷遂安

縣志以村名宋宣和間邑人詹安建明嘉靖時安十

二世孫詹廷輝重建并創屋九間於上陸希和為記

宋家橋 嚴陵志在縣南五十里宋家塢故名明成化

宋八年里人徐叔賓重建

崑網渡 遂安縣志在縣東南三十里路通西安明崇

禎間余兼善捐田十畝造渡船木橋往來利之

壽昌縣志

會通橋 新定續志在縣西市中跨湖表為之嚴陵志

唐縣令戴筠建宋理宗時里人劉仕重建明洪武六

年知縣彭子冲累石醜水為亘道仍建瓦屋五間萬

歷壽昌縣志景泰中復壞義官翁志常建嘉靖乙亥

志常後人翁德靜翁如阜重建

宋公橋 新定續志在縣西五里長一十五丈宋郡守

宋鈞倡建因名壽昌縣志後圯元靜廬寺僧鎮重建

繪千佛於上又名千佛橋後圯明嘉靖三十六年廣

安寺僧太祥募建累石醜水為十二道宋

至仁橋 萬曆壽昌縣志在縣東五里以居至孝仁豐

二鄉界故名

翠溪橋 嚴陵志在縣東南七里累石醜水為三道

布石闌宋端平間里人葉常管建周養吾翠溪橋晚

恐驚魚鳥知看雲偶成頌洗視欲題詩雨潤花生筆風輕絮點眉忽聽鶯語好不覺立多時

廣濟橋 萬曆壽昌縣志在縣南十里景泰三年邑人

徐彥銘建後圯邑人李親等重建

顏公橋 新定續志在縣西十里曰航頭長四十二丈

累石醜水為十道宋郡守顏頤仲建因名嚴陵志後

圯於水元靜廬寺僧鎮重建翁洮春日題航頭橋詩

凭闌興自新雲影晚將仙掌曙水光迷得武陵春薛蘿烟裏高低路楊柳風前去住人莫怪馬卿題姓字

終期雲雨化龍津

玉虹橋 明一統志在縣東二十里嚴陵志宋嘉定間

邑人鄭執信建鄭以耕過玉虹橋詩玉虹跨水久知名南北驅馳此間程風雪策蹏天上

下涼秋踏月夜虛明荷花隔岸曛殘照柳絮撩人弄晚晴愛有四時橋畔景酒旗茅屋更書聲

梅川橋 嚴陵志在縣西南三十里累石醜水為三道

宋南渡後建

皆喜橋 壽昌縣志在縣西北四十里明成化十一年

僧淨圓募建西有皆喜亭

龍嶧橋 嚴州府志一名壽春橋在縣西四十里明正

統間余公茂徐士敏建

淤塌渡

嚴陵志在縣東十里

周養吾淤塌渡詩野水滔滔此會通往來行色

具孤蓬桃花錦鯉千層浪柳絮黃鸝兩岸風明月滿船天上下青雲萬里客西東如今歲暮無人渡閒却

溪頭葉生翁

分水縣

慶雲橋

嚴陵志在縣南一里慶雲坊

雙桂橋

嘉靖浙江通志在縣西一里宋王縉子日休

日勤同登進士因以名橋

定安橋

分水縣志舊名順安橋在河頭溪係東門孔

道向建石橋圯於洪水後易石以木

國朝康熙二十年知縣李檠重建石梁比舊增高五尺

洞橋

嚴陵志在縣西二里縣丞李德固重建

濯仙橋

嘉靖浙江通志在縣西四里嚴陵志月溪院

前相傳昔有仙人濯足於溪石上故名

藍田橋

嚴陵志在縣北二十五里明正統三年知縣

陳貞重建

觀橋

嚴陵志在縣西三十里邑人章高建

寶定橋

嚴州府志在縣西北生仙鄉

河頭渡 嘉靖浙江通志 卽天目渡路通新城臨安

溫州府 永嘉縣附郭

新橋 萬歷溫州府志 在府治前正德丁丑郡守陸鰲

開新街始建

華蓋橋 萬歷溫州府志 在府治東王光薦重建

惠民橋 溫州府志 在府治西明嘉靖庚子郡守郝正

翔察院於城隍廟西始建

五福橋 明一統志 在府城譙樓前 溫州府志 又名六

州橋

蜃川橋 永嘉縣志 在平水王廟西明萬曆間建

名虹橋

洗馬橋 溫州府志 在府治西宋洗馬陳龜年建

永寧橋 萬歷溫州府志 在少保坊 楊蟠永寧橋詩 過

喧闐三十六坊月一般今夜圓

慈湖橋 嘉靖浙江通志 宋郡守慈湖先生楊簡立鄉

校於此故名

上安橋 萬歷溫州府志 在象門宋高宗旋駕問何名

知州盧知原以上安對高宗悅命金書橋額

永嘉縣城外關梁

雙蓮橋 永嘉縣志 在永寧門外舊有蓮花並蒂之瑞

故名

國朝康熙十二年里人林兆斗等募緣重建

蔡兆豐募建雙蓮橋序蓋

聞秦帝東巡始留鞭石周王西幸爰有造舟津堠有阻而必通川澤非梁而莫濟是以夏陽當險是鑄鐵牛河北衝流用沉石驚岸非千里曾表大夫之名橋異七星亦是崔公之惠豈非騫崩不葺責在長人啟塞從時關於王政者哉唯茲雙蓮橋者肇基典午傳瑞累朝直通白鹿城南橫跨玉蟾河上人家夾岸烟下橫塘洵五邑之要津八閩之孔道也三千波浪漂搖木客之巢十二闌干零落老人之齒匪但提盈荷重愁從雨後經過即教倚杖扶輿怕向風中逆度險驚遊騎漫云雪盡馬蹄輕坦異板橋最苦霜多人跡消余目擊危梁情悲折柱重修有願獨力未能唯冀達官貴人分東閣西園之費素封巨室捐鐘鳴鼎食之資俾選石以鳩工好乘時而竭作看虹飛斷岸彩映斜陽龍卧清流勢連隱霧庶幾萬安渡口千年滌誦君謨七里山塘石代惟傳居易矣

青雲橋

永嘉縣志在永嘉門外舊名綠野呈八方遊

建

西朝康熙十一年銓齋孫大茂等修

狀元橋

萬歷溫州府志在六都宋狀元趙建大建

寶慶橋

永嘉縣志在鎮海門外

國朝順治十五年圯後置木橋潮流奔激每致倒塌康熙

十八年總戎陳世凱倡率僚屬重建

樂清縣

黃華關

海防圖畧屬樂清縣去府城八十五里

謹按黃華關在黃華水寨東其地有黃華山因名明嘉靖中倭嘗登犯黃華之外為下馬洋嘉靖三十二

年參將湯克寬追黃華賊戰於是洋海防考云倭犯黃華必由邳山大麋山及黃大畧而入黃華關延臨海口汛守最要

惠政橋 嘉靖浙江通志在縣鼓樓前 樂清縣志元至

正開燬明洪武五年知縣鄔珪重建

寶帶橋 明一統志在縣治前 萬歷溫州府志舊有吳

家橋在東七八步宋令王傳以橋北居民寒縣治前

乃以橋址易民居增創大橋接前郭路名市心橋元

至正丙午重建改今名

姜公橋 萬歷溫州府志在澄清坊邑令姜光建

姜公橋記樂成爲邑負山瀕海東西兩溪左右翼其委甚遠入於東海民居亦乎其旁鱗集櫛比舊有

橋以接通衢淳熙己亥傾於洪濤令尹素公重修復壞於淳熙丁未幾二十年渡以畧行名備焉公來宰是邦力自樽節百廢具興廼視舊址斥而廣之刷商頊贊其議爲橋五間維壯撤俸往來僮僕如行康莊雖陰雨晦冥不吾蹶驚廳怒濤不吾怖經始於嘉泰壬辰之良月成於明年之孟夏爲錢二百萬斂不及民而用度足役不違時而工力備邑父老取公姓鐫於橋以示無窮之思詩所謂愷悌君子公其有焉

文峰橋 溫州府志在東山下外有登瀛橋在城內東

小河上

八接橋 明一統志在縣南門外宋時方臘黨俞道安

來寇先鋒將張理同李振出門迎敵渡此橋橋斷馬

蹶溺死

胡公橋 樂清縣志在縣治西南又名文虹橋明天啟

丙寅縣令胡良臣建其高畧與城齊層級以上中廣而坦旁有石闌遊者憩息焉時有耆民李廷芳捐資

助建

迎恩橋 萬歷溫州府志又名壽寧橋在西臯驛路嘉

靖間里人趙景裴重建萬曆間景裴子哀修

萬橋 萬歷溫州府志在縣東二十五里以宋萬規建

故名 萬規萬橋記涉滄海者先虞其險不可以屈其遠登泰山者先憂其危不可以造其高是豈忘

高遠哉無高遠之志不拔之誠樂於須臾而忽於持入故耳吾於茲橋之謀始也患力之未濟思有同志

者借成既不可得越三年而謀獨成方靖其趾未踰歲月以洪湍奔突而顛仆者幾半再越三年更募海

民運石以趾之民方憚其險而不應募者數日會海乏鮮食瀕海民無以爲生念然相率就工日不

餘數凡兩月積五千餘運遂築成東西一橋上下

百尋截江三千丈方秋雨大集山濤擊海濤湧其灘衆皆曰勞而無成愚亦甚矣云亦不怪勞後增石

以固之加二十餘艘厥址固矣乃累橋石爲西柱其形銳而大一柱之廣縱二尋有半中一尋有

畸埋灘淤之下出灘之上者或二三尋有半木爲梁其柱並以立其間迺而調以石不能跨設也經始於歲之丁卯訖工癸酉之春凡費錢三百有餘萬而

成橋

行春橋 鴈山志在能仁寺前西谷諸水由橋下出筋

竹澗入於海

星橋 鴈山志在淨明寺前傍視橋下空明如星極其

精固至今零無震動俗傳昔僧富鎔銅鑄作而成者

櫻岡渡 溫州府志在十六都即清江本名纜真渡明

嘉靖間改於山內十里曰金沙渡

洪垣標圖渡記東鄉舊有標江渡當

山外海口每遇風輒哮激中流篙子索錢往往罹溺

朱公諫建議易巨艘復往視謂必遷於山內令王汝

襄度其處南金雞山北沙步山去前渡近十里

許江狹水緩成路二十餘里馬道八十餘丈

石門渡 溫州府志在縣東百里石門潭去潭百步溪

淺可涉或遇暴漲則令溪旁居民以竹筏濟之章可象石

門渡詩海國天初霽羣峰翠欲浮舟橫春水渡人倚

夕陽樓巖屋纏青曼江沙起白鷗杖藜何處與扶醉

過溪頭

橫春渡

樂清縣志又名館頭渡江船舊有帆每多覆

溺邑侯俞文榮令悉去帆存櫓於是渡者鮮溺八便

之袁業泗橫春渡詩壽舫衝寒待曉光淡烟籠水碧

聲催客夢跟沙鷗鳥笑人忙

三載只何事贏得新詩滿錦囊

平陽縣

江口關

海防圖畧屬平陽縣去府城一百三十里

謹按江口關下臨橫陽江為往來衝要明設江口水

寨在縣南金鄉衛東南臨大海控五嶼等畧外按

年倭犯平陽前倉湮口諸處從此港入南至肥前炎

亭北至瑞安飛雲鳳

鳳皆其哨探處也

鎮下關

海防圖畧屬平陽縣明宏治年間因蒲莊二

所船料缺額故廢隆慶四年軍門谷中虛題設

謹按鎮下關坐臨大海其東有官舉舟師駐泊處也

出舉直衝臺山小洋倭犯鎮下門必取道官舉守禦

切最

縣前橋

嘉靖浙江通志在縣治前平陽縣志卽州橋

抗雲橋

溫州府志在縣治北卽鼓樓橋

飛龍橋

溫州府志在學前知縣胡賓造

文昌橋

平陽縣志在儒學南七絃水經其下卽蕩洋

橋

小倉橋

萬歷溫州府志在東門外

元魁橋

平陽縣志在北門外署縣同知姚榮因縣治

永直衝捐俸築埭并建橋後令許光岳竟其事

白石橋

萬歷溫州府志在西門外

西浦橋

萬歷溫州府志係浙閩通津潮勢迅疾屢築

屢圯成化間令王岳修萬歷二十一年令朱升喜重

修

河崢橋

萬歷溫州府志在江口巡檢司後

蕭家渡

萬歷溫州府志在鳳林鄉宋向卽蕭振創故

名明天順間渡者索錢商旅病焉坡南周尙志妻曹

氏置義渡以濟邑人孫崇祥建亭於渡之北涯以便

行旅憇息扁曰雨暘一憇亭

全十册蕭家渡詩渡頭問舟子此渡何名蕭舟

子笑答我使君家匪遙豈不聞侍郎名德重本朝屢

爲二千石兩置萬里橋渡旁乃其宅人亡木惟喬陰

德滿鄉閭佳話傳漁樵近同池號謝遠類江稱姚赧

顏謝舟子講聞非一朝恨生晚且賤無由際清標蘇

公不識歐韓子思之僑敬

瞻通德門魂往不可招

平安渡 嘉靖浙江通志舊名江口渡在東鄉九都平

陽縣志元大德十年滕天驥因兩岸石道傾圮捐修

北岸長一百二十丈南岸倍之高廣各七尺兩岸各

為石門顏曰平安渡延祐四年郡守趙鳳儀重修明

弘治四年壞令王約重築置官船僉渡夫四名給以

工食

國朝順治十八年遷棄馬道又傾南岍尤甚康熙十七年

左營守汛把總胡大倡捐兵民樂助重砌南岸馬道

五十餘丈建天妃宮於渡旁

瑞安縣

飛雲關 海防圖畧屬瑞安縣去府城八十望

謹按飛雲關在飛雲渡安陽江津濟處也波流洶湧

橫截南北往來者必出於此渡西有中洲東出為飛

雲水寨海防畧云飛雲水寨西去金鄉南百三十里

此為溫州適中之地南臨海港外接鳳凰山內逼府

城郡境之衝要也

石北隘 兩浙海防類考續編東至大海南會陌城

寨西平陽所北會隄門極為衝要

太平橋 瑞安縣志在治前新街西

廣濟橋 萬歷溫州府志在東門內廣濟廟前

倉橋 瑞安縣志俗名謝婆橋在秀峴街西倉前

通濟橋 嘉靖浙江通志在縣西南瑞安縣志舊名通

津

新渡橋

萬歷溫州府志原在永安市洪水衝塌萬曆

十五年邑令章有成改築清風山畔上有橋屋行人

便焉

平安橋

瑞安縣志在飛雲江南岸河頭大路西

錦湖橋

嘉靖浙江通志北湖在城北一名錦湖有鏡

湖橋

雲聚橋

瑞安縣志在篔簹河內為沙塘上下庄及篔

簹三畧要路

國朝康熙丙寅六月有龍乘黑雲至此壞石橋今復修建

穩豐橋

瑞安縣志在塘河舊有水則刻橋柱上

飛雲渡

名勝志安縣江在縣南舊名安固又名羅陽

又名瑞安又名飛雲渡瑞安縣志在城南門外漸闊

要津明嘉靖間額設官渡十隻止存其四攬載多人

屢有覆舟之患令劉畿察知其弊造官渡十隻分布

兩岸歲久舟壞

國朝康熙十六年民陳克受等募民製為義渡副將劉順

復捐俸創渡舟八隻往來稱便

林景熙飛雲渡詩人

陰帆影分南北潮聲變古今斷碑僧塔遠

中洲渡

初日海門深小立蘆風起乘槎動客心
萬歷溫州府志在橫山邑令劉畿重建

林桴中洲

中渡記瑞邑瀨江而城甬門有飛雲渡迤西上游七八里許地名中洲其視飛雲也形勢減五之一湍濤殺十之二道路之所出足跡之所經其為要且劇者如之但居民遼渺林莽蕭條暑無所休雨無所庇風波簸蕩無所信次勢必冒涉沒溺之患時亦有焉劉侯廉其狀歎曰茲民病也廼為之益舟分濟典司稽覈之規悉準飛雲仍名耆民李允憲等謂曰中洲為渡古矣北涯有基舊名千秋椽宇草剋汝其飭之南涯之野荒闕無依行道艱勤汝其營之遂捐資聚材卜日鳩工建亭三間乃輦巨石築甬路十數丈起自亭前而下屬之江經始於甲寅季冬不踰月而工告成

泰順縣

分水關

泰順縣志在八都

馬森分水關詩出關闕土盡征路楚山迎曉露連空

暗炎天過雨清人來千樹杪鳥雜百泉聲每憾復與澗難從石罅行徐階分水關詩峻嶺開闢服重關限楚氛星隨分野異地漸燠涼分人語聽難辨山名得未聞所差前逝水不似北歸雲

謹按分水關與平陽縣西南之松山相接泉發隴上東西分流以限閩浙山下地名平水達前倉江可通舟楫吳越當守此以與閩人相拒海防攷云分水嶺隘當浙閩之交自閩而東必由此至平水過牛皮嶺一路由蕭家渡至縣東自縣抵瑞安道二百五十里一路由莒岡至縣西自縣抵青田道二百餘里又由縣東北達桐嶺可竟至府城此控扼之要也

羅陽第一關

泰順縣志

在洪口東渡之西明隆慶二

年令吳敦本建

謹按羅陽第一關在縣東四十里道出瑞安其地有洪溪匯入龍潭謂之洪口溪流環遶有東西二渡水陸往來者多出於此又有桂峰東南關在縣南七十里其地有桂嶺旁立兩關以路通閩枯故設置於此

太平橋

萬歷溫州府志在縣東正德間洪水衝壞令

劉桐重建嘉靖二十六年令蔡芝復建

吳國器重修太平橋記泰

順治之北有溪流發源於枯蒼迂迴曲折遶泮宮之
 右湍流而號不息直走岡地正德十有四年邑人張
 璉伐木為橋久之而頽且圯矣嘉靖己酉秋蔡侯至
 舉廢興墜乃語張氏之後曰太平橋之建也始於汝
 祖汝其新之以繼汝祖之美者民曰張坦醫官曰張
 贊咸驩然趨事侯乃取能於其工焉取力於其壯焉
 木者石者陶者咸中式經始於八月四日告成於十
 月望日更題曰登雲橋

泰順縣志崇

禎二年圯知縣潘仲蘭重建

仙居橋

嘉靖浙江通志在縣治東十五里萬曆溫州

府志令郭顯宗建成化十九年洪水衝壞令范勉重

建嘉靖三十九年復壞四十二年令區益重建董坎為記

國朝康熙十二年皇人復造

鎮東橋

萬曆溫州府志在宣陽門外泰順縣志

慶四年造

鎮南橋

泰順縣志在迎薰門外半里明正德間知縣

劉桐建萬曆間署縣通判車登雲重建知縣涂鼎鼐

重修

愛薰橋

萬曆溫州府志在迎薰門外舊名平溪嘉靖

三十年令區益建泰順縣志崇禎三年知縣潘仲蘭

建知縣涂鼎鼐完其功改名興文

國朝康熙六十年知縣張仕驥重建

東渡橋

泰順縣志在城東四十里明正德間訓術陶

器創建嘉靖己未燬隆慶五年知縣王克家重建曾申

為記 崇禎四年知縣涂鼎鼐重修

國朝雍正九年知縣朱國源重修

梓峰橋 泰順縣志在四都舊橋狹隘明隆慶四年陶

汝仁改立大橋捨租四十貫贍守者使備商旅薪水

之需

南院水尾橋 萬歷溫州府志隆慶四年令王克家建

東溪渡 嘉靖浙江通志在縣南八十里泰順縣志舊

以漂沒為患饒文始倡首告縣歲編夫船仍自募眾

置田以贍渡夫

洪口渡 溫州府志在縣東四十里

國朝雍正六年知縣朱國源設渡船并添給船夫工食

處州府 麗水縣附郭

應星橋 明一統志在府治東南名勝志界在尚明行

春二門之間以郡應處士星故名

耐心橋 崇禎處州府志在府治前以訟者至此立懲

忿自抑而止其競心也

樹德橋 崇禎處州府志在縣前百餘步

麗水縣 城外關梁

清香橋 崇禎處州府志在通惠門西五十步引麗陽

溪支水從壕河入城過橋為淨池以瀦水即古放生

池宋紹興十五年郡守徐度建放生亭於上植荷池

中清香芳郁故名

黃靈橋

枯蒼彙紀在放生池東唐李邕於此撰葉慧

明神道碑云狗赤松之遊蹤黃靈之術故名

張公橋

枯蒼彙紀在放生池西南名勝志舊傳呂洞

賓洗楮被於此故橋下水不臭穢

濟川橋

嘉靖浙江通志在枯蒼門外跨大溪造舟為

梁崇禎處州府志宋乾道五年郡守范成大刻銘及

橋規於石

范成大平政橋石刻枯蒼帶郭浮橋歲久

實始改作郡從事張徹惠民麗水縣畱清卿調其

二費以授州民豪長者四人使董役吏毋得有所與

凡為船七十有二聯續架梁為梁三十有六築亭溪

南以泄之歲十一月橋成名之曰平政亭成名之曰

知津又得廢浮圖之田五十畝於縉雲以其租屬亭

歲時治橋俾勿壞明年正月大合樂以落之衆請銘

其事於石使後有考銘曰孰梁斯兮踏淵若衢我維

新之櫛櫛其艦工麻於亭有粟在耨豈維新之承以

朽明初參軍胡深鎮枯改建於通惠門外桃溪下因

水勢迅激徙枯蒼門外洪武間郡守袁敬重造永樂

八年蕩於洪水景泰間郡守張祐議請照依驛遞事

例於各縣田額科取修葺其法頗良萬歷五年郡守

熊子臣重建二十二年郡守任可容裁革增置渡船

供濟二十八年郡守李淳因民稱不便通詳重建復

年郡守陳見龍復建於栢蒼門外歲久復廢以渡船待濟其渡租又入官無船可渡民甚苦之崇禎元年守道張福臻命同知馬承緒復造渡船給租如前未及一載租復入官船并廢郡守朱葵捐俸重造

國朝康熙甲寅後屢壞雍正八年知府曹掄彬重建

李衛重建

濟川橋碑記事有偶舉一端而可以觀為政之六體澤有僅被一隅而可以規急公之實效則必為之綜其初終核其經費稽其工作簡其勞動而勒諸貞珉使吾民知今日之鼓舞懽欣獲享利濟之樂而異日之所以綢繆保蕪傳之永久而不致有飄搖圯廢之虞者胥於是乎在予荷

聖恩畀以節鉞重任專閩兩浙六載於茲矣凡地方利弊民生休戚靡不悉心體訪及時修舉至於一郡一邑之中耳目所未及親歷者則付之所屬守令相與講求締造而一以利便生民為要約處之栢蒼門外為

各屬往來孔道俯臨大溪寬深莫測每當雨水驟漲奔湍沖激勢若望洋舊有浮梁綿亘數十丈以渡行者自康熙甲寅後一廢於兵燹再沒於洪流基址蕩然無存民之設筏代涉而櫛櫛於胥溺者垂五十餘年歲在己酉曹守蒞是邦廉知小民之苦於厲揭而又重慮斯橋之工鉅費繁猝難興復於崇禎也爰是相度經年多方拮据匪歲而橋成因以其事上白於予而丐一言為記予惟凡民之情可與安享其利於目前而頓忘共守其成於久遠爾處民亦念此日之長虹卧波幸脫褰裳之厄而坦然於視履周行之下者伊誰之力耶令斯橋及今不治其病於涉者將何所底也脫令今日治之而異日不以時修葺之其病於涉者安知不又猶夫昔也竊念我

皇上嘉惠元元德洋恩溥凡山脈海澨以暨草木昆蟲物靡不得其所而浙民之涵濡膏澤沐浴太平者尤深且厚際此席豐履豫之時宜益凜降薄臨深之懼舍岐趨而遵大道去陷溺而就康莊一如斯橋之艤艦橫繫軌步徐行幾忘其在驚波怒濤之上也詎非至樂歟而又念官斯土者果能勤求民隱呼吸相通弘綱不廢百度皆興俾斯民之咏樂郊而熙攘交錯於

途者視橋且不啻什伯焉則是杠梁之為惠雖非廣濟博施而由此類推可以睹為政之全體現急公之實效僅區區事舉一端而澤被一隅也哉是役也費不取諸帑力不貸於民經始於庚戌之秋旬落成於辛亥之桂月規模制度悉中法程鼎建者曹守掄彬督理者署麗水令王鈞監修則經歷司包文琦栝蒼驛驛丞張榮顯均有成勞例得備書

桑溪橋

崇禎處州府志在縣西北五十里因圯里人

何鋼捐貲造今名延福橋

廣濟橋

嘉靖浙江通志在縣西二十里維舟為之

下河渡

崇禎處州府志去城五里有埠萬歷三十七

年洪水衝沒郡守陳見龍重砌

石牛渡

崇禎處州府志在縣西二十里

青田縣

縣橋

崇禎處州府志去治南五步青田縣志明正德

間知縣洪儒重建

惠濟橋

青田縣志在東郭倉前宋寶慶間運使鄭如

剛建

龍門橋

嘉靖浙江通志在縣東一里青田縣志宋紹

定辛卯國子正畱棋二子重建舊名城門橋

永濟橋

嘉靖浙江通志在縣西北隅崇禎處州府志

一名上店橋一名通濟橋架木為之青田縣志慶元

初待制鄭汝諧以石為之

鄭汝諧永濟橋記青田為邑介於川谷之間西北隅

有橋曰濟寧未數歲即圯令尹黃君由已蒞官之始
 一日過余曰橋據往來之衝壞久勿葺民病於涉利
 無急於是縣窘於用不敢取諸民姑即舊以木扶持
 之可乎予曰不為則已為則必以石雖艱於始能永
 其利鄉人素蓄於施試為出數語且捐金以為率黃
 君即集士夫而觴之合席無難色有捐錢五萬者其
 次或三萬或二萬轉率士夫之鄉居者數亦如之合
 所得幾百萬鄉官趙希慥劉陟首任其事於是諏日
 度地補空增卑始於慶元二年之七月閱四朔而告
 成邑士請予識其顛末遂記其畧黃君易其名曰永
 濟其意又後暴流衝壞中書舍人陳希點更造以木
 可嘉也

甃以磚覆以亭歲久復壞明洪武庚辰知縣謝子襄
 重建改名遵化成化癸卯知縣楊麟縣丞李思賢者
 泚老王孔觀重修復名永濟嘉靖癸丑知縣李楷再修
 崇禎間復為水壞知縣楊文驄重建

大地橋

崇禎處州府志在芝溪口宋崇寧二年朱文

顯建明正統間義門梅尹遜重建成化間採石為之

百丈漈橋

嘉靖浙江通志在縣南水口崇禎處州府

志其漈去橋里許高峻百餘丈半祭有丈石柱瀑流

飛激其聲如雷傍有石室故老云陶真人煉丹於此

黃輿橋

崇禎處州府志在三都河南成化間義官葉

寵建

崇禎處州府志在縣西五廿里舊名康濟

鶴昇大橋

至大三年建

問津橋

青田縣志在縣西七十里石門洞側古名活

問活橋

青田縣志在縣西四十里石門橋古名

縉雲縣

桃花隘名勝志馮公嶺亦名木合嶺嶺上為桃花隘

謹按馮公嶺亦名桃花嶺即古桃枝嶺也陳天嘉三年雷異據東陽遣侯安都討之異以臺軍必自錢塘上既而安都由諸暨出永康異大驚奔桃枝嶺於巖口樹柵以拒之安都進攻因其山勢迤而為堰會潦水漲滿安都引船入堰起樓艦與異城等發砲碎其樓堞異脫身奔晉安即此嶺也宋楊億比之蜀中之劍閣明初耿再成駐兵黃龍山處州將石抹宜孫分兵屯桃花嶺葛渡樊嶺及龍泉胡大海自金華南出軍樊嶺與再成合攻之再成取開道出桃花嶺後連拔桃花葛渡二寨遂薄處州城下宜孫敗去蓋山勢嵯峨險仄上接雲霄咽喉之地一夫可守誠一郡之鎖鑰也

龍津橋嘉靖浙江通志在縣東五十步詹適建亭

土名曰巽亭

國朝康熙二十二年知縣霍維騰捐資造船民無病涉

東渡橋崇禎處州府志舊架木成梁計二十九間

縣雷叔聞改為浮橋在縣南五里許縉雲縣志知縣

霍維騰重建志在縣東五里許

荆坑橋縉雲縣志在縣南二十里累被山水衝廢知

縣霍維騰捐資督造在縣東六十里

猛將橋舊浙江通志在縣東北六十五里下潛地方

有石長數丈廣一丈厚五尺許世傳為潛猛將手挾

其石頓之橋成傍有猛將廟在縣東六十里

長瀾橋崇禎處州府志在二十二都廢久萬曆間邑

人朱昌建石步洪水衝壞崇禎辛未御史李洵改建

又壞縉雲縣志知縣戴名振捐造

溪頭橋縉雲縣志在縣東六十里知縣霍維騰重修

松陽縣志在縣南二十里

洞陽橋名勝志在縣東里許桐溪水所經與巖塘五

赤淨居裕溪諸水合

光華橋舊浙江通志在縣東二里

濟川橋崇禎處州府志在縣南三里舊有浮橋今改

板橋

毓秀橋名勝志在清溪水西相傳宋高宗為金人所

迫航海由温州過青田海潮直送至此

仙人橋栢蒼彙紀在白雲山上崇禎處州府志白雲

山前雙石聳轟頂有石橋人不可涉俗云仙人橋實

仙人橋詩翠微隱隱徑迢迢丈室春深趣更饒滿院

松花金席地半山雲帶玉橫腰笠天飛出西湖寺秦

石驅來東海橋何處天風送靈籟不堪清耳聽蕭韶

竹客橋名勝志在竹客嶺路通宣平故稱險塞水出

東西坑為龍潭而橋翼於其上

淨居橋崇禎處州府志在縣東四十里栢蒼彙紀淨

居之水出焉西山王子敬作十詠題其勝

裕溪橋水松陽縣志在縣東五十里水出黃家田有裕

溪橋枯蒼彙紀明萬歷六年知縣羅應兆建

義渡橋枯蒼彙紀舊名五赤橋明宏治間邑人詹守

之建隆慶六年圯知縣楊維新重建

遂昌縣

新嶺隘崇禎處州府志在縣北六十里山勢峻絕兩

山如門北至衢州龍游唯一道可通明正德間知縣

張鉞以江西姚源之變因設寨焉

謹按縣南八十里有貴義嶺隘縣西一百三十里有龍鼻頭隘皆明正德間知縣張鉞設寨處又有龍口

隘在縣西一百四十里坑西隘在縣西一百八十里因嘉靖間礦徒竊發故設寨守之

雙溪橋崇禎處州府志在邑東一里舊名逆恩遂昌

縣志元至大元年主簿楊廷瑞建後圯明宣德五年

御史潘岳改建又圯正德初知縣邵文昂鳩石經始

末幾代去知縣張鉞治之下為三洞門上覆以瓦屋

凡五間鄭還為記

國朝康熙五十年知縣繆之弼重建

瑞仙橋崇禎處州府志在邑南七十步舊名登瀛又

名披仙元至大三年達魯花赤暗打刺建

國朝康熙五十一年知縣繆之弼重修

安定橋崇禎處州府志在縣南半里明正德間里民

成之橋首建亭扁曰清趣外復構小亭以憩行旅

國朝康熙五十年縣學生李瓊藻等協力重建

永安橋 嘉靖浙江通志在縣北一里遂昌縣志俗稱

東梅宋嘉定間知縣陳達因木橋易朽募民靈石為

址改書濟川之梁 陳達濟川橋記縣北二百步有大溪焉昔人為橋以濟涉歲久木腐

前令欲改造無所費而止有獻策許富民輸金贖罪為費者予謂幸人有過以集吾事非政也濟人之心

誰獨無之期日會議人德吾語咸齎金來會一日得錢三十萬聞者願出所費以後為愧乃擇士之廉而

才者司其事以有位望者董之掄工相地謀易以石中流沙瀨基下實則不崩工人欲盡屏去交木飛梁

而虛其下唯兩石累土與木相資為固子然其言使畫成規修二十五步廣十分之一屋十有三間中與

兩端為亭餘為廡翼為欄棟縻錢百九十萬而贏費日十二通有奇不藉官助如期而成既壯且麗可經

久遠橋舊名永安無所取義改題曰濟川之梁 明萬曆十年知縣王有功修

四十一年知縣林剛中重修崇禎丁丑橋壞知縣何

廷棟修後邑令韓武復修至今堅固

平政橋 崇禎處州府志在岩欄橋下明隆慶元年知

縣池浴德因碧欄橋改建萬曆中令鍾宇淳復於舊

所築石壘址鼎新建造改名通惠

國朝康熙四十九年知縣繆之弼修

三峰橋 嘉靖浙江通志在縣西十里崇禎處州府志

明嘉靖九年道人募築石梁甫成隨圯道人復竭誠

普化以成之有亭在橋東俗名三墩橋

好村橋 崇禎處州府志一名攀桂橋在邑西二十五

里卽好川也

永通橋 舊浙江通志古名桃溪橋在邑北四十里

龍泉縣

小梅隘 龍泉縣志在南一都距縣七十五里界慶元

明正統間立

謹按小梅隘在小梅嶺上東至慶元縣七十里南至福建松溪縣六十里爲入閩之間道又吳岱隘在縣北七十里吳岱嶺上接松陽遂昌縣界正統中重置縣西七十里又有供村隘接浦城慶元縣界嘉靖中置又西二十里有鴉春隘亦接浦城界正統中重置又武溪隘在縣東七十里武溪嶺上亦正統中置

雲和縣界

披雲橋

栝蒼彙紀今名凌雲龍泉縣志舊在縣西萬

壽宮西元庚子春指揮章蘊德徙基於宮之東明洪

武癸丑燬道會季道宗重建宏治間邑令潘祖紳重

建嘉靖元年洪水漂沒三年邑令朱世忠募衆重建

濟川橋

名勝志去縣三百步崇禎處州府志跨雙溪

枕中洲垂南北兩岬舊名清化宋何執中易今名米

元章書額橋之上有閣何才翁與眉山蘇軾遊西湖

偶談及此蘇遂大書畱槎閣三字賢良陳舜俞續題

詩時謂閣之雄偉字之道勁詩之警拔號稱三絕元

戊寅火後皆草橋明成化壬辰火正德癸酉又火嘉

靖戊子知縣朱世忠捐俸鼎建俾義民管晟等為倡
無何陞福州府同知乃以閣屬邑指揮吳克泰成之

張裕濟川橋記龍泉治南舊有橋跨雙流計數百武
始名清化今以濟川名中涌沙成洲構閣於上先已

摧毀者再建正德癸酉復罹孽焰長湖朱侯來宰斯
邑名父老計乃廉各隅淫祠香田羨金翼以餘俸經

始於嘉靖戊子春俾義民管晟等分任其事甃石以
固址度木以植楹架柱而護楯壘墩使高以防水患

砌牆間市以虞火災斧斤版幹子來聿興越歲餘侯
擢福州少伯去以閣屬吳克泰已丑冬十有二月落

成仍命曰濟川閣仍命曰留榭俯仰巒壑吞吐光景
隱若鰲負望如蓬瀛由是往來稱便侯可謂諒以使

民知為
致矣

續處州府志萬歷二十七年夏壞於洪水是
私知縣章文標重建

三思橋

括蒼彙紀去濟川橋數十武東荷池中有古

龍壇池水紫碧色獨湫渦方廣何許清冽宋嘉定戊

辰四月湫中有異物如員魚俄而雲滃風怒驟雨傾

盆魚躍去尾類白蛇雨霽特甚後有投牒石馬龍井

中祈雨者翼日牒出此湫雨亦隨足自後祈雨必先

於此

武溪橋

龍泉縣志在東二十一都括蒼彙紀明萬歷

年間知縣劉一德建鄉人鄭惟誼倡首

鴈川橋

龍泉縣志在東二十一都白鴈口明正德間

知縣葉竦委義官管晟重建

松衢橋

嘉靖浙江通志在縣西四十里龍泉縣志明

正德八年義民葉愷張宏募建

獨山橋 龍泉縣志在縣西十三都黃山明正德丁丑

張宏建

永和橋 稽蒼彙紀明萬歷五年邑人項訓等建

永慶橋 龍泉縣志即非水橋在筆峰嶺下明永樂間

義官季伯宗建

慶元縣

興賢橋 慶元縣志在雲龍門外為泉水之匯元大德

間達魯花赤于崇建於石龍寺門顏曰興賢明天順

間壤知縣沈鶴因龜石為梁名曰詠歸嘉靖二十七

年壤知縣朱芾重建萬歷三年知縣沈維龍再建十

六年又齧於水崇禎十五年知縣楊芝瑞建改名楊

公橋 陳函輝楊公橋記邑治之北距城數武而近在

昔雖有橋梁其再創於天順間者嘉靖末為河

伯所潰迨萬歷初年復拓之尋就北垂六十年於茲

無有繼者姑熟楊公蒞任之暮月毅然引為已任經

始於癸未歲孟夏以是年秋仲告成中豎一巍閣東

北分建兩橋架屋計十九間共長計二十四丈廣計

二丈一尺棟宇莊嚴丹彩宏麗勢若長虹橫掛於絕

壁危湍之間蓋自是而輿馬可通商旅可行袞裳之

患息矣遂顏之曰楊公橋俾後之人

顧名思義不且千百年猶如見公乎

國朝順治五年左橋燬知縣鄭國位重建康熙八年邑人

余世球修右橋及閣邑人姚鐸重建

太平橋 嘉靖浙江通志在縣西舊名坑橋慶元縣志

大元至正十年火二十六年重建改名太平明嘉靖二十五年築城橋毀四十三年知縣張應亮從民請增

開小水門改名水門橋崇禎間火續建

攀龍橋 崇禎處州府志在縣南慶元縣志明隆慶二 年里人吳道揆建萬曆三十六年子俸重建

國朝康熙二年孫麗明王眷王賓王鍾再建

濠洲橋 嘉靖浙江通志在二都元至元間建慶元縣

志明嘉靖五年邑人葉亨重建

棘蘭橋 舊浙江通志在棘蘭司側慶元縣志明萬曆

三年知縣沈維龍建

黃荆橋 慶元縣志在寨後坑明洪武十八年建後壞

永樂十六年邑人吳均平重建隆慶四年壞知縣朱

芾重建

槎溪橋 嘉靖浙江通志在八都宋淳熙間建慶元縣

志明嘉靖四十三年知縣張應亮修萬曆二十二年

壞於水知縣鄧建邦重建改名通濟 鄭汝壁槎溪橋

地當閩浙之交而八都離城二十里水勢迴旋蓋水口所關為邑孔道舊有橋與廢不一正德間邑令何公鰲架木為之至萬曆甲午大水發橋壞無存春夏之交溪流迅駛墊溺者衆往來病焉知縣鄧公捐俸首倡而鄉之士民咸樂於助鑿石為墩者五每高二丈濶比高之數縮其半覆屋二十七楹礮斲精密結構堅固民有攸濟矣橋成徵于為記 尋壞今建草橋

阜梁橋 崇禎處州府志在九都竹口慶元縣志明永

樂九年里人周喜初建嘉靖十一年通判周紳重建

萬歷四年壞知縣沈維龍修建

國朝順治間竹口居民重建

雲和縣

縣前橋 嘉靖浙江通志在縣南雲和縣志知縣劉璆

建

桂林橋 崇禎處州府志在萬壽宮前

步月橋 栝蒼彙紀在鳳山麓旋帶學宮縣治

沙合橋 舊浙江通志在垂休寺西栝蒼彙紀橋南倚

溪之側有覺是亭邑人吳浩建

梯雲橋 栝蒼彙紀與沙合橋近

祈豐橋 雲和縣志知縣林汪遠建祈年有應故名

石門橋 舊浙江通志在縣東五里

兼濟橋 栝蒼彙紀通景寧邑人陳良言柳仲楷建

七尺渡 嘉靖浙江通志在四都雲和縣志縣編渡夫

四名

謹按七尺渡在縣西三十里天一作赤西至龍泉縣之武溪隘十里兩縣接境處也羣山四合溪流橫亘其中疊石架梁以通行者有間道達石塘及松陽至為險要

石塘嶺根渡 雲和縣志在八都舊無船往來阻涉明

嘉靖壬午知縣胡希銓歲編渡夫一名

宣平縣

三元橋 嘉靖浙江通志在縣南一里宋景定初建明

正德甲戌重建

王墳重修三元橋記距城一百二十里為宣慈鄉北抵金華南通甌海沿

流浚源於樊岡春湍夏潦衝激悍駛涉者病焉宋景定間鄉之祝氏王氏鄭氏協力以建二橋歷年多壞於水火歲甲戌松坡王君子文好善勇義慨然勉承舊緒復捐金穀崇址於淵醜流為三道梁駕其上每長二十丈有奇每一丈有四翼以扶楯如其長之數而倍之翬飛轆集烟火相望普照寺覺菴圓上人白業宏願協眾皆樂施舍而王君子仁克敦祖訓又子以地遂捐衣鉢建佛堂於岸左又助田若干資湯茗賜日以飲行者於是橋與堂相與為無窮矣

槐溪橋 崇禎處州府志在縣東五里天順六年道士

高希度建

通濟橋

栢蒼彙紀在縣南宋里人鄭嘉遜建歲久屋

壞明景泰間同知鄭建主簿練敬同修尋壞於水嘉

靖間知縣張俱縣丞宋鎬為石址橋屋改舊名通德

為通濟癸卯夏洪水復圯其半知縣蕭彥重修

通濟橋記宣平縣南有通濟橋初以木為之而屢廢嘉靖五年縣尹張君俱來宰是邑乃與二尹宋君鎬謀修之鳩材命工以石為基者五以木為橋屋者二十四梁成而張君擢興化府判宋君亦更餘姚去予至宣平縣之二年癸卯夏暴雨蕩溪而橋圯者半是秋予議重修捐俸金付諸尚義之士市木石趁寒沍而急舉焉甲辰夏四月橋則煥然復新矣

杉坑橋

栢蒼彙紀始建前灣潘儀倡明隆慶三年大

水衝圯署縣事縉雲教諭劉瓚捐俸命儀之子正忠重修

濟民橋 崇禎處州府志在縣南六十里明洪武初里

人祝伯思架木為梁景泰間推官黎諒重建天順四年奉御楊均保重修嘉靖間知縣蕭彥重建

思恩橋 舊浙江通志在縣南六十里栢蒼彙紀明成

化初縣丞溫潤重建尋廢置舟以渡

通仙渡 嘉靖浙江通志在縣南三十里卽三港渡路

通郡城 崇禎處州府志邑八祝宗捨阻給之

記隸縣之界七懸水為之冠隸縣之界十直懸為之

水皆會於茲素無舟梁之備是以旱乾水溢行人莫不告病有祝君希聖者鄉之好義君子也見而憫焉乃築室於津之陽擇謹厚者居之籍良田三十畝俾歲收其入水縮則架木為梁以利徒涉溢則具舟楫濟險灘且設茶以飲憩息之勞者於是行者若履平陸無壅溺沾濡之患莫不咨嗟歎息共稱其賢屬余為之記

赤坎渡 崇禎處州府志在縣西北二十里路通白岍

坑及松陽

景寧縣

龍首關 景寧縣志在六都黃木坑去縣東二十五里

謹按龍首關地名黃木坑懸崖絕壑險要關卽龍腦橋水流峽中兩岍陡絕架橋其險要關卽倭亂故設關以備之又龍匯關在縣白鹿關在縣一都俱嘉靖三十六年備倭知縣鍾高建

黃垓隘 青草隘 崇禎處州府志俱可防禦過此為

慶元縣

謹按青草隘東有綠銅隘去縣東五十里與青田入都相接正統間黃壇盜起守此拒之寇不能上又盧棲隘在縣東八十里與泰順縣小堰相接蜂桶隘在縣東南八十里又南十里為石佛隘與泰順之平寮相接明嘉靖間倭陷泰順言岡守此三隘以却之

上橋 景寧縣志在縣治左

下橋 景寧縣志在縣治右相傳有仙人臥橋上以扇揮蚊至今上下半里蚊皆不集遭焚久廢

國朝康熙四十四年重建改名睡仙橋

聚仙橋 括蒼彙紀在縣南十里湯夫人靈應仙蹟在

焉

洪嶺橋 景寧縣志在縣北十里通府必由之路山水

暴溢民艱於涉勇隆慶五年知縣陳壽之始設木橋

民便之

白鶴橋 崇禎處州府志在縣南四十里建時有羣鶴

來集故名

渤海橋 舊浙江通志在縣北四十里

沈庄橋 景寧縣志與雲和接壤適府必由之路明隆

慶間邑民黃五掘地得金捐建

浮傘渡 括蒼彙紀在縣西大均潭馬女仙常以傘渡

故名鍾夏高浮筆渡詩古渡春雷動梳花浪欲生片

城橫莫負

勅修浙江通志卷三十八

勅修浙江通志卷三十九

古蹟

浙自吳越肇封以來上下幾千百年其間城郭宮室
園林臺榭名賢之所興建達士之所登臨以及一名
一物之奇雖世遠年湮不盡存於今日而流風餘韻
可考而知搜羅舊聞以廣覩記載筆者之職也志古

蹟

杭州府

古州城元豐九域志古州城隋楊素創太平寰宇記

隋置杭州在餘杭縣十年移州理錢塘十一年復移



州於柳浦西依山築城即今郡是也互見城池

謹按隋書開皇九年平陳更置各州縣太平寰宇記所云十年乃文帝之開皇也

吳越國城 吳越備史唐大順元年王命築新夾城環

包氏山暨秦望山而迴凡五十里皆穿林架險而版

築焉景福二年王率十三都兵泊役徒二十餘萬衆

新築羅城自秦望山由夾城東亘江干洎錢塘湖霍

山范浦凡七十里錢受徵吳越國治考舊城門凡十

朝在六和塔西竹車門在望仙橋東南新門在炭橋

東南土門在薦橋門外北土門在舊菜市門外鹽橋

門在舊鹽橋西關門在雷峰塔下北關門在夾城

巷寶德門在良山門外無星橋蓋當時城垣南北展

而東西縮故曰腰鼓城也錢鏐杭州羅城記大凡藩

籬之設者所以規其內溝洫之限者所以虞其外華

夏之制其揆一焉故魯之祝邱齊之小穀猶以多事

不時而城况在州郡之內乎白天下兵革而江左尤

所繁併余始以郡之可城歲月滋久基址老爛狹而

且卑每至點士馬不足迴轉遂與諸郡聚議崇建

雉堞夾以南北轟然而峙帑藏得以牢固軍士得以

帳幕是所謂固吾圉以是年上奏天子嘉以拙政優

詔獎飾以為牧人之道其盡此乎俄而孫儒叛蔡渡


江浸我西鄙以剪以逐蹶於宛陵勁弩之次泛舟之

助我有力焉後始念子城之謀未足以為百姓計東

丐巨浸輾閩粵之舟櫓北倚郭邑通商旅之寶貨苟

或侮劫之不意攘偷之無狀則向者吾皇優詔適足

宋禁城 宋史高宗本紀建炎三年升杭州為臨安府



宋紹興八年定都三十一年五月增築禁城咸淳臨安志建炎三

年二月詔以州治為行宮紹興元年十一月詔守臣

徐康國措置草創二年九月南門成詔名曰行宮之

門三年詔梁汝嘉剝廊廡於南門之內十八年名南

門曰麗正北門曰和寧東苑門曰東華二十八年增

築皇城玉同祖夜步內門詩靜夜高燈人未眠等閒

行過內門前一聲唱徹連珠塔碧月朱闌綠柳邊

鹽官縣古城嘉靖海寧縣志在縣西北四十一里隋

大業十三年築唐永徽六年又築周回四百六十步

濠濶五丈深四尺今不在互見城池

管城至元嘉禾志吳王築四城以禦越管城屬鹽官

東安郡城名勝志東安郡城在富陽縣北十八里吳

黃武中郡守全琮築

富陽縣舊城名勝志富陽縣古城唐咸通十年縣令

趙訥築去今城二百七十步富陽縣志元至正十六

年楊完者重築後毀慶春河即古縣城濠

永寧寺城宣德富陽縣志在榮國寺西北隅即今永

寧寺咸淳臨安志城周十二里有屋七百十九間警

樓十二座舖舍一百十九所五代時城在縣東

餘杭縣舊城咸淳臨安志餘杭縣舊城在溪南後唐

時號為清平軍城咸化杭州府志莫詳所始

營盤城萬歷杭州府志在餘杭縣南一里至正十六

年楊完者即溪南舊城內築以守禦號為營盤城

舊倉城

咸淳臨安志在餘杭縣東南二里安樂山上

唐永貞五年刺史張綱奏置倉宇四十二間天寶八

載採訪使奏置常平倉同在城內錢氏廢倉建寺今

名法善院倉址仍存

東安鎮城

吳越備史大順二年秋七月城東安鎮咸

淳臨安志因山為城吳越錢王都將杜稜築

羅隱東安鎮新

築羅城記杭之別郡舊有八都之目而東安主領太師杜公尋以擒薛朗於京口破丁從實於毘陵天子寵之拜常州刺史遂屬其兵於子弟焉撫於內者曰建思禦於外者曰建徽經度於季孟之間者曰建威洎太師解印而歸淮叛肥淝連壓封部元帥大丞相彭城王始授君以板築之要濠塹之廣袤地里之橫亘皆取則於大丞相鳩其民人相其險易惟師有令衆克從之起大順辛亥訖於明年燔東臺西離連坎

接隆者就之宥者盈之民不弛擔時不妨農夏五月甲辰太師犒羣帥於城下若梓若畚者皆與焉不三四年淮南節度楊氏行密擾我疆境而東安尤為其所忌行密滅安仁義之精銳分田頽陶雅金威之敢勇以攻東安城樓櫓翔空矢石交迸翊日我軍憑其城斃賊將於城下者其數盈千濠塞塹堙自是羣寇不復有圖南之意是知人非城則無以為捍城非人則無以自固不有城也人何以安不有將也城何以堅噫天下之無事也吾鄉則有河間凌準宗一濮陽吳降下已汝南袁不約還樸以文學進天下之有事也吾鄉則有太師建徽伯仲及諸將佐以武藝稱豈文武之柄倚伏而然也抑江山稟受與時消息者乎太師以鑄金勒石見徵不敢堅遜乾寧五年記

於潛縣舊城

嘉靖於潛縣志在縣北二百四十步隋

開皇十三年楊素築

互見城池

潛州城

咸淳臨安志在於潛縣東七里置潛州時築

今地名城嶺

紫溪城

咸淳臨安志在於潛縣南三十里潛川鄉城

復村

名勝志遺址在紫溪之上成化杭州府志唐置紫溪縣時築

越王城

咸淳臨安志在於潛縣東十五里阿頂山夏

后少康之後封於越其支庶或居此今城址猶在又

名平越城下有平越村其址與皇甫巖近

新城縣古城

萬歷新城縣志古城在縣東南唐時築

四門城

成化杭州府志新城縣又有富春桐江新鎮

祠堂四門城今圯濠與遺址僅存

吳越國治

吳越備史梁龍德二年王建天下元帥府

於興國門之右

吳越國治考國治在鳳凰山下即鎮海軍使院唐以前州治也其子城南

為通越門北為雙門錢氏納土後二門猶存咸淳臨安志州治只載錢氏造而不言在鳳凰山下政和二

吳

年孫沔守杭蔡襄為撰雙門記內云吳越王依山阜以為治是錢氏宮室在鳳凰山無疑南渡即其地為

行都後人但知宋都而不知錢氏其立鐵幢識射潮處去鳳凰山僅二百步許此足為證也羅隱鎮海軍

使院記鎮海軍舊治京口大丞相以錢塘之眾東堪漢宏西巖逆朗天子不易其土故自符竹四命然後

移軍於錢塘生物以宜租賦以便斥去舊址廣以新規廓開閭閻拔起階級俾幢節之氣色貔武之出入

得以周旋焉庚申年始闢大廳之西南隅以為賓從宴息之所左界飛樓右廟嚴城地聳勢峻面約背敞

肥楹巨棟間架相稱雕煥之下朱紫葺葺非若越之今而潤之舊也其府屬以下或入都舊將或從公於

吳

征或稟之於朝廷或拔之於鄉里故天子用清宮傳道之選以佐之輟教民論道之任以副之其餘省秩

卿曹職領相次自我朝藩服官屬之盛無加也噫大丞相之勲德既藏之天府而攀鱗附翼者非鐫刻礫

石其可久乎是年冬十月始命觀察判官羅隱為記

吳越宮室 五代史吳越世家梁龍德元年稱吳越國

王更名所居曰宮府曰朝吳越備史天祐二年建功臣堂於府門西天成三年

王親祀於都會堂初名八會亭六年麗春院火王遷居瑤臺院之綵雲堂文穆王治府於城北孝獻會王

以采戲於青史樓六年九月王即位於仙居堂是月遷於思政堂七年以龍山武功堂為文穆王廟開運

三年重建天寵堂四年二月有雉集於玉華樓七月有雉升於天册堂戟門十二月迎王於義和後院顯

德二年七月有虹入天長樓在內城之東建隆元年大慶堂成咸淳臨安志中和堂錢王閱禮堂舊址

吳越營屯 吳越備史廣明元年杭州始建八都五代

史吳越世家團諸縣兵為八都以鏐為都指揮使吳越

國治考營屯凡六白壁營在城南上隅寶劍營在鍾公橋北青字營在鹽橋東福州營在梅家橋東馬家

營在修文坊大路營在褚家塘咸淳臨安志衣錦營在臨安縣石鏡山

吳越郊臺 武林舊事上石龍永壽院錢王郊臺近焉

又名登雲臺

宋宮室 宋史高宗本紀建炎三年駐蹕杭州卽州治

為行宮徐一夔南宋行宮考宋行宮在鳳凰山下卽唐以來州治其宮殿之制文德殿謂之正衙

垂拱殿謂之常朝紫宸殿上壽御焉大慶殿朝賀御焉明堂殿宗祀御焉集英殿策士御焉此四殿卽文

德殿隨事揭名非專建也後殿有四崇政殿一名祥曦福寧殿寢息之所復古殿燕閒之所延和殿在垂

拱之後遇齋戒御焉選德殿孝宗建以為射殿緝熙殿理宗闢以為講殿熙明殿度宗改東宮之益堂為

之而講筵延閣並在禁中至於東宮初無定制如孝宗之資善堂度宗之益堂皆在禁中遂以為就學之

地又有欽天孝思二殿以奉神御則仍東都之舊制

苑西北宮南宮南木東水會通上閣宣德隔門斜門
 關門玉華閣門舍和貽謨二門在天章閣其正殿曰
 垂拱文德大慶紫宸集英後殿曰延和崇政即祥曦
 福寧復古選德緝熙熙明明華清燕膺福慶瑞射殿
 需雲符寶嘉明明堂即文德坤寧穠華慈明慈元仁
 明進食即勤政欽先孝思清華堂曰翠寒澄碧觀堂
 芳春凌寒鍾美燦錦燕喜靜華清賞稽古清遠清徹
 澄碧藥湖環秀文囿書林華館衍秀披香德勤雲錦
 清霽綠萼華又名瓊姿碧琳凝光澄輝繡香呈芳會
 景正始怡然信美齋曰損齋燹齋謹習燕申樓曰博
 雅觀德萬景清暑清美明遠倚香閣曰雲章清華凌
 虛清漏倚桂來鳳觀音芙蓉萬春臺曰欽天宴春秋
 芳天開圖畫舒嘯踏臺軒曰晚清閣曰清華睿思怡
 真容膝受聲綠綺觀曰雲壽亭曰清泳清趣清脾清
 穎清迥清隱清寒清激清飭清典靜香靜華春妍春
 華春陽春信融春尋春映春餘春留春皆春寒碧寒
 香香瓊香玉香界碧岑灑碧瓊英瓊秀明秀深秀行
 秀濯秀錦烟錦浪繡錦萬錦麗錦叢錦照粧浣綺綴
 金綴瓊穠香暗香晚節香巖香雲岫映波含輝達觀
 秀野凌寒涵虛平津眞賞芳遠垂綸魚樂噴雪流芳

芳嶼玉質此君聚芳延芳蘭亭激湍崇峻惠和浮醴
 泛羽凌穹迎薰會英正巳丹暉凝光雪徑參月共樂
 迎祥瑩粧植杖可樂文杏壺中天別是一家春園曰
 小桃源杏塢梅岡瑤圃村莊桐水菴曰寂照怡眞坡
 曰瑪瑙洗馬橋曰萬歲清平春
 波玉虹教場曰南教場北教場

宋德壽宮 宋史高宗本紀紹興三十二年六月名新

宮曰德壽 夢梁錄在望仙橋東高廟倦勤命建宮殿
 以德壽爲名後生金芝改殿曰康壽高廟
 雅愛湖山於宮中鑿一池引水注入疊石爲山象飛
 來峰有堂曰冷泉孝宗會賦長篇玉堂雜記德壽宮
 中分四地隨持游覽東地分香遠清深月臺梅坡松
 菊三徑清妍清新芙蓉岡南地分載忻射廳臨賦燦
 錦至樂半丈紅清曠瀉碧西則冷香文杏靜樂浣溪
 北則絳華俯翠春桃盤松嘗見御製盤松贊墨本又
 見御製祭土地文咸淳臨安志孝宗受禪移御德壽
 宮改曰重華後憲明皇太后御改曰慈福壽域皇太
 后御改
 曰慈壽



宋諸閣

玉堂雜記諸閣皆在禁中藏祖宗御書圖籍

寶瑞

建炎以來朝野雜記太宗龍圖閣真宗天章閣
仁宗寶文閣神宗顯謨閣哲宗徽猷閣徽宗敷文閣高宗煥章閣孝宗華文閣光宗寶謨閣寧宗寶章閣理宗顯文閣太祖英宗無御集故不設閣

宋郊廟

宋史高宗本紀紹興四年詔祀明堂作行禮

殿於教場五年建太廟於臨安十三年築園邱建景

靈宮

咸淳臨安志郊邱在嘉會門外龍華寺西壇四
成分十三陛陛七十二級青城齋宮及望祭殿
以幕屋為之大殿曰端誠便殿曰熙成外為泰禋門
祭用元祐郊禮合祭天地設大神大示及太祖太宗
配位并從祀諸神凡七百七十有一明堂即文德殿
太廟在瑞石山左正殿七楹分十三室太祖太宗真
宗仁宗英宗神宗哲宗徽宗欽宗高宗孝宗光宗寧
宗又設配饗功臣位於橫街南太祖趙普曹彬太宗
薛居正石熙載潘美真宗李沆王旦李繼隆仁宗王
會呂夷簡曹瑋英宗韓琦曾公亮神宗富弼哲宗司

馬光徽宗韓忠彥高宗呂頤浩趙鼎韓世忠張俊孝
宗陳康伯史浩光宗葛泌寧宗趙汝愚諸室之西奉

僖順翼宣四祖廟有冊寶殿齋殿致齋閣子景靈宮
在新莊橋西內有蟠桃亭流杯堂跨水堂梅亭四并

堂橘園桂所南為崇禋館齋宮在錢湖門外惠照昭
慶二院夏至祭皇地祇立夏祭炎感南岳瀆立秋祭

岳瀆

白帝西岳瀆
謹按咸淳志載配饗功臣惟欽宗無功臣故缺焉田
汝成西湖志誤認為欽宗缺祀殊不知欽宗升附月
日見於宋史不可誣也

宋諸壇

建炎以來朝野雜記紹興十六年饗先農於

東郊築高禱壇十八年築九宮貴神壇於東郊

咸淳臨安

志先農壇高禱壇在嘉會門外九宮貴神壇在東青
門外海神壇在太平橋東淳祐中以依海建都宜以
海神為大祀臨安府社稷壇在小昭慶寺側

宋官署 徐一夔官署考 宋南渡省臺寺監俱可指數

若其倉庫所局諸色公署不能一一悉舉入元以來 其地或為官舍或為民居遺基猶能指而言之

咸淳臨安

志三省樞密院在和寧門北都堂在樞密院思堂在都堂後經武閣在樞密院中書門下後省在都堂西有紫薇閣寧宗御書檢正左右司在諫院右承旨檢詳編修在樞密院御史臺在清河坊北向取嚴肅之義朝堂即臺廳西序列東都御史名字南渡後列於東序廳以內為御史閣位諫院在後省西廳事列諫官題名六部在三省樞密院南有論思獻納之堂後有望江亭在山上太常寺在羅漢洞有寅清堂昭勳崇德閣文武勳臣二十三人繪像其中寶庫在東廡藏祭器樂器玉牒所宗正寺在太廟南有玉牒殿祖宗屬籍之堂大理寺在仁和縣西雲章亭在中門列累朝獎諭獄空勅有明清堂在廳左楮亭在池上司農寺在保民坊有祥扈堂太府寺在保民坊秘書省在天井坊有右文殿秘閣列累朝御製御書御史院

在右文殿東道山堂在秘閣後著作之庭在道山堂後國史日歷所編纂會要所書庫寶庫後圃渾儀臺勅令所在侍御橋南國子監在紀家橋芳潤亭在後圃書板庫在中門內將作監軍器監並在保民坊大宗正司在天慶坊有屬籍之閣茶鹽所會子所公田所封橋安邊所並在三省大門內登聞檢院登聞鼓院在麗正門外左右闕之南都進奏院在朝天門外官告院在部門內糧料院在漾沙坑審計司在保民坊權貨務都茶場在通江橋東雜買務雜賣場在通江橋東文思院在北橋之東左藏庫在清湖橋西封樁上庫在三省大門內封樁下庫在左藏庫中門內安邊太平庫在下庫南車輅院在嘉會門外御前軍器所在禮部貢院西和劑局在太府寺內惠民局凡五南在三省前西在衆安橋北北在市西坊南外局在浙江亭北外局在北郭省倉上界在天水院橋中界在菜市橋下界在東倉舖豐儲倉在仁和縣側倉橋東西倉在左家橋端平倉在德勝橋淳祐倉在斜橋南平糶倉在仙林寺東咸淳倉在東青門內軍寨北草料場在天水院橋西紙局在赤山湖濱驥院在漾沙坑象院在嘉會門外麗正門右馬軍司在保

民坊步軍司在鐵冶嶺閣門在和寧門外宗學在睦親坊有大成殿御書閣明倫堂立教堂沒言堂齋舍太學在前洋街有大成殿首善閣光堯石經之閣崇化堂武學在太學東有立武堂齋舍禮部貢院在觀橋西別試所在大理寺西太史局在吳山大醫局在通江橋北中興館閣續錄秘書省渾儀臺以東岡改築又有羣玉堂本名羣玉亭改後樓鑰書榜芸香亭蓬萊舊名錦隱倪思書榜天教本名汗青軒楊簡書榜夢梁錄本州貢院在錢塘門外王家橋以待本州士人發解之處兩浙漕司貢院在北關門外待兩浙路寓之士及有官人宗女夫發解之處


宋府第 古杭雜記南渡後都城戚里臣僚府第略依

東都舊制 乾道臨安志左右僕射府在壽域坊南樞密知院府在天慶坊執政府在天慶坊南

嗣濮王府在軍將橋之東吳王府在後洋街益王府在中沙巷睦親宅在清湖橋之東臺諫宅在太常寺西百官宅在石灰橋夢梁錄左右丞相參知政事樞密院使簽書並在南倉前大渠口侍從宅在都亭驛

東臺官宅在油車巷省府官屬宅在開元宮對卿蓋郎官宅在俞家園七官宅在郭婆井五官宅在仁美坊三官宅在潘閣巷十官宅在舊睦親坊六房院在湧金門東五房院在楊和王府西孟六后宅在後市街韋太后宅在薦橋東邢皇后宅在薦橋南吳太后宅在州橋東郭皇后宅在佑聖觀後夏皇后宅在豐樂橋北謝皇后宅在豐禾坊南李皇后宅在後市街韓皇后宅在將軍橋楊太后宅在濠沙坑壽和謝太后宅在龍翔宮側全皇后宅在豐禾坊吳王府在後洋街益王府在新橋秀安僖王府在後洋街漢王府在西橋莊文太子府在井亭橋沂靖惠王府在清湖北景獻太子府在鐵冶嶺榮文恭王府在佑聖觀北周漢國長公主府在左藏庫西張循王府在清和坊韓蘄王府在前洋街劉鄜王府在明慶寺南楊和王府在洪福橋賈魏公府在葛嶺成化杭州府志岳鄂王府在太學街

宋營屯 建炎以來朝野雜記中興初諸將各總重兵至紹興二年詔三衙措置營屯次第皆東都衛兵之



遺也

咸淳臨安志殿前司在鳳凰山下馬軍司在保
民坊步軍司在鐵冶嶺引見司在文思院後有
等子營班直共二十四班一在保民坊一在豐禾坊
一在艮山門內一在梅家橋西皇城司指揮一在豐
樂橋一在輦官營御厨營在天慶坊翰林司營在京
畿第二將南儀鸞司營在麗正門外內軍器庫營在
清波門內修內司營在孝仁坊綱兵營在平糶倉北
八作司營在玉津園前輦官營在豐禾坊御馬營在
嘉會門內外臨安府兵衛在戒九廂城南北廂城東
西廂城外東西南北四壁城內兩縣界分城外兩縣
分界

宋酒庫

呂吉甫杭州監酒廳記天下之酒利杭為最
厚歲入錢殆四十萬管庫之事大小一稟於州焉

臨安志御酒麴料庫在後市街贍軍南酒庫在朝天
門外有和樂樓贍軍東酒庫在柴塚橋之東有大和
樓贍軍北酒庫在鹽橋之東贍軍西酒庫在三橋之
西有豐樂樓贍軍中酒庫在瀾頭市之北贍軍南外

酒庫

候潮門外贍軍北外酒庫在江漲橋鎮咸淳
臨安志東庫清庫煮庫並在崇新門裏西庫清在橋
西煮在湧金門外南庫清在清和坊煮在社壇北庫
清在鵝鴨橋煮在祥符橋中庫清在眾樂坊煮在井
亭橋南土庫清在睦親坊煮在東青門外南外庫清
在清水閘煮在嘉會門外北外庫清在左家橋煮在
江漲橋西溪庫並在九里松天宗庫清在天宗門裏
煮在上關東赤山庫清在赤山煮在左軍教場崇新
庫並在崇新門外又小庫九碧香庫五分隸各鎮
錢塘縣志宋時有麴院在九里松釀官酒之處

宋亭館

都城紀勝都城樟亭驛其地最古且雄據江
山之勝然諸亭館大槩皆由唐制中興以後亦有增

設者

咸淳臨安志樟亭在錢塘縣南五里今為浙江
亭茗溪館在餘杭縣南桂芝館在臨安縣初號
東館唐咸通中改今名潛溪館芙蓉館鶴山館在於
潛長壽館迎恩館朝天館在富陽義亭光華亭海昌
亭在鹽官雙溪館在昌化名勝志昔有樟亭可以觀
濤今浙江驛是其故址孟浩然與顏錢塘登樟亭望

潮詩百里雷聲震鳴絃暫輟彈府中聯騎出江上待
潮觀照日秋雲迥浮天渤海寬驚濤來似雪一坐凜
生寒蘇軾自昌化雙溪館下步尋溪源至治平寺詩
亂山滴翠衣裘重雙澗響空窗戶搖飽食不嫌溪竹
瘦穿林閒覓野芎苗却愁縣令知游寺尚喜漁
人爭渡橋正似醴泉山下路桑枝刺眼麥齊腰

漢西部都尉治 漢書地理志會稽郡錢唐西部都尉

宋治越絕書漢文帝前十六年都尉治錢唐萬歷杭州府志會稽

西部都尉元符中徙治錢塘在武林山今靈隱山是也然其定處已不可考

隋餘杭郡總管府 隋書地理志餘杭郡平陳置杭州

仁壽中置總管府大業初府廢成化杭州府志圖經謂即唐州治然世遠

莫可考矣

唐州治 舊唐書地理志隋自餘杭移州理錢塘又移

州於柳浦西貞觀六年自州治南移於今所去州十

一里德宗建中二年賜號鎮海軍萬歷杭州府志舊州治凡三一在餘

杭舊志云開皇九年置杭州治餘杭是也一在錢塘舊志云十年移錢塘是也一在鳳凰山柳浦西舊志

云復移柳浦西依山築城即鳳凰山之右是也今遺址皆不存姚合郡中西園詩西園春欲盡芳草徑難

分靜語惟幽鳥閒眠獨使君密林生雨氣古石帶潮文雖去清秋遠朝朝見白雲

宋府治 咸淳臨安志府治舊在鳳凰山之右自唐為

治所本朝至和元年郡守孫沔重建雙門蔡襄撰記

井書刻石蔡襄雙門記杭於二浙為大州提支郡數

越治兵蓄財日為戰守朝廷除刺史以來蓋八十年其風俗治蹟有足稱者要之起廢弊變錄習斯亦難

矣至和元年資政殿學士給事中孫沔自樞密副使來撫是邦曰此吾鄉也敢易治之鄺里之稅歲廢中

產餘二千家爲之籍其地而出其資市賈謾欺取予不均爲之正量衡而一之富黠倚強餽貧誅利爲之索其黨而逐之盜依閉藏出沒無常爲之根株而去之俗尚浮屠歸施無節嚴以約束婦人女子潔廉其行寵以簪珥高年舊德或復諏訪數月之間近遠竦動迎向公訓公知衆之已悅也隨所警諭勉之於善秋八月語其僚曰諸侯臺門以高爲貴蓋以尊天子所命而示等威也昔錢氏依山阜爲治所而雙門置柵木錮金鐵用爲敵備今方內統平吾爲守臣於以遵化而流澤每大號令從官屬陳兵校會州之士民卽門內張次班列而布宣之門圯而地狹又非禮制豈所以重方面之體乎吾將易而新之卽以其說謀之轉運使資以羨錢又詢之於民良家大姓願以力助於是商其用而裁取之凡金植竹木之材必可其直堅陶蓋梓之工必當其庸十一月甲戌興作明年五月訖工十有五日壬申合樂讌飲以落之至於下邑旁郡攜扶老幼闐隘郭郭相與觀聽指是巍然者曰上之命令由是而出下之情僞由是而入一有不誠重爲門羞吾屬戒焉是年襄山刺清源州人遮予而言曰我公之爲治始者革弊惡人畏其明已而附

養鰥憐教勅子弟及共治成井市兒童不收落錢田豐海晏人得其職公作雙門我實爲之公歸有時我思無窮願爲記所作之實而刻之石庶遠不忘初公定邕廣寇還請涖杭上以其遜而不伐召升宥密未幾以直議不能與衆合遂伸前請至則勵精夙夜不以宴息自處其進退忠義之節與所施爲若干里之績固不足書然州人過余再三稱頌殷勤不書無以慰其志

中興駐蹕因以爲行

宮而徙州治於清波門北

咸淳臨安志臨安府諸廳通判廳北廳南廳東廳並

在府治南都廳在府治西當直司在府治內教授東廳在學之南西廳在學之西僉書判官廳在府治後定安橋西觀察判官廳節度推官廳並在府前近民坊觀察推官廳在僉判廳西府院在府治西左司理院在府治東右司理院在府治西城南廂廳在嘉會門外北廳在北關門外

元官署 徐一夔官署考元改府爲路而設總管府以

轄之 成化杭州府志總管府至元十四年建設路在今府治金玉總管府至元十七年建在外橋東向

行御史臺在紀家橋今北察院稅課提舉司四一在城南一在井亭橋一在北郭一在江漲橋財賦都總管府在佑聖觀東今入武林驛江淮財賦總管府在前洋街權茶提舉司在天慶坊蒙古字學提舉司在鐵冶嶺下省府廣濟庫在癸辛街洪武初為曹國公宅平準行用庫俗名倒鈔庫一在朝天門外一在中和橋今鎮撫司一在江漲橋一在武林門外一在嘉會門外行宣政院今都使司治江浙儒學提舉司舊在軍將橋後罷燒鈔庫在戒子橋今入都司

漢錢塘縣舊治

水經注

浙江東逕靈隱山山下有錢

塘故縣萬曆錢塘縣志縣治舊在錢塘門裏三十步

後徙於紀家橋華嚴寺基樓鑰為廳記

萬曆杭州府志舊縣治凡

四一在靈隱山麓一在錢湖門外皆漢魏時治也一在錢塘門內今教場地唐治也一在紀家橋華嚴寺故址宋治也今皆不存

謹按錢塘縣治在靈隱山者見於水經注在錢湖門外者考舊志中無之在錢塘門內者自唐歷宋至南渡後始遷於紀家橋不獨唐治並皆郡志之誤

宋錢塘縣尉司

咸淳臨安志在錢塘門外

武林舊事相傳王子

高舊居世稱仙尉內有平湖堂擢桂堂詠物堂萬曆杭州府志尉司里是其遺址舊署內有清風軒錢塘縣志宋隆興間慈邑繁麗仁宗覽西湖圖嘆曰真仙尉也遂建真仙亭蘇軾在杭率賓從來游遂建英游閣林逋訪謝尉賦秋水芙蓉詩遂建咏物樓其內有片石周必大賞之遂名奇俊石又有水雲亭

吳越錢江縣治

嘉靖仁和縣志梁龍德二年錢氏割

錢塘鹽官地置錢江縣以治錢塘萬曆杭州府志在

武林門梅家橋南

宋仁和縣舊治

宣德仁和縣志縣治舊在武林門內

梅家橋即吳越王所建錢江縣地相傳為吳公子慶
忌宅宋太平興國三年改仁和縣令孫廷直徙於招
賢坊今興賢坊紹定五年令胡巨卿重修喬行簡記

五見
公署

漢鹽官縣治

嘉靖海寧縣志鹽官漢之舊縣晉宋志

縣以鹽官為名唐武德七年省入錢塘貞觀四年復
置宋太平興國四年始建於崇儒坊其舊處已不可
考

吳東安郡治

三國吳志黃武五年置東安郡吳錄曰

郡治富春也萬歷杭州府志在富陽縣其定處今不

可考

唐富陽縣舊治

宣德富陽縣志舊縣署在城東北唐

咸通十年令趙訥建當在古城內與城並建

漢餘杭縣舊治

餘杭縣前志舊在苕溪南今際畱倉

即縣署基也

宋牧馬監

餘杭縣新志在縣南上下湖宋命守臣梁

汝嘉提舉每馬五百匹為一監

唐臨安縣舊治

嘉靖臨安縣志縣治舊在西市元至

正末毀

互見公署臨安縣志宋以前治
建在高陸鄉溪東舊碑尚存

唐於潛縣舊治

嘉靖於潛縣志縣治舊在石柱峰唐

武德八年廢潛州復為縣徙治今所 互見公署

唐潛州治 萬歷杭州府志唐武德七年置潛州在今

於潛縣豐谷後鄉城嶺八年廢潛州遂廢 互見公署

唐紫溪縣治 萬歷杭州府志唐垂拱三年置紫溪縣

在潛川鄉尋廢

唐新城縣舊治 萬歷新城縣志縣治舊在縣東南隅

唐長壽中始建今治

宋新城縣簿廳 咸淳臨安志在新城縣城內以杜稜

舊宅為之

宋南新縣治 咸淳臨安志淳化六年置其地本嚴州

分水縣東境本朝乾德間即其地置南新場熙寧五

年廢為鎮隸新城

唐武隆縣治 萬歷杭州府志唐萬歲通天元年易紫

溪縣為武隆縣建治在唐山之南今昌化縣後是也

錢王故苑 武林舊事錢王故苑以芝生其間捨為靈


芝寺

南果園 武林梵志錢氏南果園在六和塔月輪峰之

傍

瑞萼園 武林舊事本錢王園捨建龍華寶乘院

聚景園 咸淳臨安志孝宗致養北宮拓圃西湖之東



梁清波門外為南門湧金門外為北門流福坊水口為

水門亭宇皆孝宗御扁武林舊事有會芳殿瀛春堂攬遠堂芳華堂花光亭瑤津

翠光桂景艷碧涼觀瓊芳彩霞寒碧柳浪橋學士橋高似孫聚景園詩翠華不向苑中來可是年年惜露

宮梅却傍野梅開

玉津園 咸淳臨安志嘉會門外紹興十七年建北使

從至燕射其中淳熙中孝宗數臨幸宋孝宗玉津園詩一天秋色破寒烟

別築連隄壓巨川欣見歲功成萬寶因行射禮命羣賢騰騰喜氣隨飛羽嫋嫋淒風入控弦文武從來資

並用酒餘端有侍臣篇

富景園 七修類藁新門外東花園即富景園內有百

花池今園前民家之後尚存大池嘉靖仁和縣志俗稱東花園在城東

梅岡園 桐木園 武林舊事皆北山路御園

錢氏園 武林梵志在昭慶寺側菩提院宋錢惟演獨

也 西湖游覽志舊有白蓮綠野等堂碧玉四觀披穎等軒南漪迎薰澄心涵碧玉壺雪鬪稊等亭

玉壺園 武林舊事錢塘門外本劉鄩王園後歸御前

有堂曰明秀

翠芳園 咸淳臨安志在錢湖門外面南屏山舊名屏

山園董嗣杲翠芳園詩引舊為屏山園開慶初內司展建東至希夷菴直抵雷峰山下水地西至南

新路口水環五花亭外舊有海查一樹開小紅花

園門外尋亦枯方輿勝覽天竺延祥寺亦有屏山園

延祥園 都城紀勝西依孤山為和靖故居與瓊華園

具美園 夢梁錄楊府園在葛嶺水仙廟西內有飲綠

亭

挹秀園 成化杭州府志在葛嶺水仙廟前為楊駙馬

園

環碧園 咸淳臨安志在豐豫門外柳洲側武林舊事

楊郡王府堂扁皆御書夢梁錄又名清暉園

雲洞園 咸淳臨安志楊和王園在錢塘門外古柳林

武林舊事楊和王府有萬景天全方壺雲洞瀟碧天
機雲錦紫翠間濯纓五色雲玉龍玲瓏金粟洞天砌
臺等處凡用園丁四
十人監園使臣二名

水月園 咸淳臨安志在大佛頭之西紹興中高宗賜

楊和王存中御書水月二字因以為名後復獻御孝

宗賜嗣秀王伯圭內有水月堂前列萬柳武林舊事
內有瀛燕

堂玉林堂皆御書董嗣泉水月園詩園門當路掩清
華喬木靈根裊翠霞地擁樓臺齊葛嶺天分香影傍
林家南朝勳將曾營業外邸王孫且看
花月色水光三十里何人來此泛仙槎

香林園 齊東野語在九里松蘇仲虎尚書園

斑衣園 萬歷靈隱寺志韓世忠之別墅

梅莊園 咸淳臨安志在西馬塍韓蘄王園廣一百三

十餘畝 武林舊事內有堂曰靜樂曰清風及竹軒並
高宗御書又有澄淥堂水閣梅坡芙蓉堆武
林野錄蘄王有二園一在德勝橋內有新霽堂有池
十餘畝石碑尚存一在梁婆橋有老息軒釣魚亭

隱秀園 成化杭州府志在錢塘門外宋劉鄴王園

秀野園 武林舊事在葛嶺路劉鄴王園有四并堂

凝碧園 夢梁錄張府園在孤山路

真珠園 咸淳臨安志在雷峰北歸張循王府 武林舊事有真

珠泉高寒堂杏堂水心亭御港陸游真珠園雨中作
清晨得小雨憑閣意欣然一掃羣兒迹稍稀游女船
烟波蘸山脚濕翠到闌邊坐誦空濛句余懷玉局仙
許萊真珠園詩芭蕉石上題詩字雨後來看半不全
餘濕未勝濃墨補
且攜卮酒到花前

半春園 武林舊事在葛嶺路史衛王府

小隱園 武林舊事在葛嶺路史府園

萬花小隱園 武林舊事在北山路謝府園

快活園 武林舊事在葛嶺路趙氏園

大吳園 小吳園 武林舊事俱在葛嶺路

北園 嘉靖仁和縣志宋福王府園在城北天水院橋

傍

新園 成化杭州府志在錢塘門外酒庫側宋秀王府

園

擇勝園 咸淳臨安志在錢塘門外九曲墻下秀王府

剗有御書擇勝愛閒二扁

湖曲園 董嗣杲西湖百咏引甘園在淨慈寺相對齋

宮之西舊為內侍甘昇園宋淳祐中名湖曲園咸淳

中屬謝府名新園園倚雷峰有四面堂 武林舊事甘園曾經游幸

有御愛松望湖亭小蓬萊西湖一曲後歸趙觀文又歸謝節使周密甘園詩小小蓬萊在水中乾淳舊賞有遺踪園林幾換東風主留得庭前御愛松

總宜園

夢梁錄張內侍園在西林橋西

董嗣杲總宜園詩望極湖

山變幻奇萬千光景自紛披妙分西子爭妍態絕想東坡得句時柳徑曲埋兜率寺花陰直接放生池內官愛展亭臺去盡付年華與酒卮

盧園

武林舊事在大麥嶺內侍盧允昇園西湖十景

所謂花港觀魚是也

劉園

武林舊事在柳洲內侍劉公正所居

喬園

武林舊事在小新堤喬幼聞園

裴園

武林舊事在小新堤裴禧園

楊萬里裴園詩岸園亭傍水濱畫

圖飛入水心橫傍人莫問游何處只揀荷花開處行

梅坡園

董嗣杲西湖百咏引在小麥嶺楊太后宅園

武林舊事楊郡王園又名總秀

謝園

武林舊事在北山路謝府園有一碧萬頃堂

錢園

武林舊事在北山路華亭錢府園

南園

蓉塘詩話慶樂園韓平原之南園也有碑石臥

荆棘中猶存古桂百餘

陸游南園記其地為武林之東麓西湖之水滙於其下堂

日許開廳曰和容臺曰寒碧門曰藏春閣曰凌風積石為山曰西湖洞天歸耕之莊堂之名則曰爽芳曰豁望曰鮮霞曰矜春曰歲寒曰忘機曰照香曰堆錦曰清芬曰紅香亭之名則曰遠塵曰幽翠曰多稼自紹興以來園林相望莫能及南園者武林舊事光宗初賜韓侂胄名南園後復歸御前名慶樂淳祐中賜

嗣榮王易名勝景

南湖園

西湖游覽志宋張鎡功父作嘉靖仁和縣志

卽今城內南湖稱白洋池者是也張旣以園爲寺今

稱張家寺舊碑猶存

張鎡桂隱百果亭余所居桂隱堂館橋池諸名各賦小詩總入

十餘首東寺爲報上嚴先之地西宅爲安身攜幼之所南湖則管領風月北園則從宴賓親亦菴神居植福約齋畫處觀書至於暢懷林泉則又有衆妙峰山介乎前六者之前造物不相負矣東寺有大雄尊閣靜高堂眞如軒西宅有叢奎閣德勲堂儒聞堂觀樂堂安閒堂瀛巒勝處綺互亭柳堂花院應鉉齋振藻齋宴頤軒尚友軒賞眞亭亦菴有法寶千塔如願道場傳衣軒寫經寮約齋有泰定軒烟波觀南湖御風橋閨春堂把蘭亭天鏡亭星槎鷗渚亭汎月闕北園有羣仙繪幅樓桂隱諸處總名今揭樓下清夏堂玉照堂蒼寒堂艷香館碧宇水北書院界華精舍撫鶴亭芳草亭味空亭垂雲石攬月橋飛雪橋蕊珠洞涉

趨門珍林杏花莊安樂泉芙蓉池鵲泉衆妙峰山有詩禪堂黃寧洞天景白軒文光軒綠畫軒書葉軒俯窠軒無所要軒長不昧軒摘星軒餐霞軒讀易軒詠永軒凝薰堂楚珮亭宜雨亭滿霜亭聽鶯亭千歲菴恬虛菴憑暉亭美芝亭都微別館水湍橋瀟嵐洞澄霄臺登嘯臺金竹巖隱書巖古雪巖新巖登翠亭釣磯菖蒲澗中池珠旒瀑藏丹谷煎茶磴張鎡玉照堂梅品序淳熙乙巳余得曹氏荒圃於南湖之濱有古梅數十增種江梅合三百本築堂以臨之因名曰玉照戴表元牡丹譜集序功甫以好客問天下花時必開玉照堂置酒樂客傳爲盛事大德戊戌功甫諸孫國器復尋墜典自天日致牡丹百餘以三月大享客衣冠之盛咸曰未易有也

集芳園

咸淳臨安志在葛嶺前臨湖曲後據山岡原

張婉儀園後歸太后殿理宗以賜賈氏改名曰後樂

園

癸辛雜識景定三年詔以集芳園賜賈似道園故思陵舊物古木壽藤積翠四抱仰不見日架廊疊

磴極其營度之巧猶以為未也則隧地通道抗以石梁飛樓層臺涼亭煥館前挹孤山後據葛嶺兩嶺映帶一水橫陳各隨地勢以構架焉堂榭之有名者曰蟠翠雪香翠巖倚繡挹露玉蕊清勝西湖一曲奇勳秋壑遂初容堂初陽精舍山之坳曰無邊風月見天地心水之濱曰琳瑯步早船曰歸身通名之曰後樂園第之左瞰湖作別墅曰光漾閣春雨觀養樂堂嘉生堂生意瀟然生物之府通名之曰養樂園又於西泠之外樹竹千挺架巨樓臨之曰秋水觀第
一春梅塢剡船亭則通謂之水竹院落焉

水樂洞園

兩湖塵談近烟霞內有水樂洞

癸辛雜識亦理宗賜

賈氏者內有聲在堂介堂愛此畱照獨喜玉淵漱石宜晚上下四方之宇並取東坡詩中之語以為名

小水樂園

武林舊事福邸園

香水隣園

都城紀勝在葛嶺廖瑩中園又名葯洲園

武林舊事葛嶺路廖葯洲園內有花香竹色世綵等亭

水邱園

武林舊事在北山路其傍又有呂氏瑤池園

瓊花園

夢梁錄在褚家塘東

七修類稿瓊花惟揚州有之類聚八仙宦者陳

源取孫枝接於八仙根上至今流傳杭褚家塘瓊花園是也杭志修於咸淳洪武而瓊花園不載偶至褚塘一土地祠見古碑然後知祠名通聖實瓊花園之地即慶忌宅基神乃褚遂良九世孫褚塘之織綾錦此神始之因知二志失考

櫻桃園

咸淳臨安志在瑞石山太廟側

成化杭州府志杭城舊有

兩櫻桃園一在七寶山一在薦橋門外

淳樸園

硤川志紫薇山人沈祐別業在硤石西山有

芙蓉溪柳塘藕花灣

梅園

硤川志在硤石東山峭壁下古梅百餘花時如

雪有飛雪軒

陳氏園

名勝志新城縣石羊山下

晁補之同子瞻游陳氏園詩山園芙蓉開寂寞歲云晚公來無與同念我百里遠寒飈吹空林白日下重巘興盡還獨歸挑燈古囊滿

班荆館

咸淳臨安志在赤岸北使至居之

幸笑館

宣德富陽縣志在縣西門內花竹清幽

東阿山館

宣德富陽縣志在城東倚山環澗地頗幽

勝

超然館

萬歷杭州府志在餘杭縣大滌山晉郭文隱

居於此

通明館

大滌洞天記在洞霄宮宋高宗臨幸至此凡

楊咸在

昌黎館

咸淳臨安志在於潛縣峯嶠山邑人以令韓

灌為政明允以寓去思又名曠軒

紫薇館

成化杭州府志在於潛縣署

紫溪館

月堤館 晏公類要並在昌化縣城內

褚莊

錢塘縣志在龍井金鍾峰下相傳漢末褚族舊

居於此

養魚莊

武林舊事在柳洲楊郡王府

天竺莊

硤川志在海寧縣硤石山前唐許遠子玟葬

於此

錦南莊 嘉靖臨安縣志 錦南為錢武肅王生地有錦

天南八勝莊其一也

虛白堂 古蹟考 在郡圃唐時建後為錢氏都會堂乾

道臨安志舊圖經云在舊治唐長慶中刺史白居易

有詩刻石堂上堂前有紫薇兩本世傳居易所植蘇

軾有虛白堂紫薇花詩 白居易郡亭詩 平旦起視事

亭午臥掩關除親簿領外多在琴書前况有虛白堂坐對海門山潮來一憑檻賓

至一開筵終朝對雲水有時聽箏絃持此聊過日非忙亦非閒山林多寂寞朝闕空喧煩惟茲郡閣內囂

靜得中間羅隱虛白堂牡丹詩 欲詢往事奈無言六十年來此托根香暖幾飄袁虎扇格高長對孔融尊

會憂世淺陰難合且喜春殘色尚存莫背欄干便相笑與君俱受主人恩

因巖堂 古蹟考 在郡圃唐建咸淳臨安志在鳳凰山

舊治今存其名 白居易因巖堂詩 箕穎人窮獨蓬壺

路阻艱何如兼吏隱復得事躋攀崑樹羅階下江雲貯棟間似移天目石疑入武邱山清

中和堂 咸淳臨安志 在鳳凰山舊治本錢王閱禮堂

至和二年郡守孫沔建更名中和建炎三年高宗臨

幸改為偉觀既移政府治仍以名堂嘉定六年安撫

趙時侃再建 李真中和堂記 杭瀕浙河雅為東南一

都會民物殷富山水清美歷唐至五季錢氏所據傳三世閱七紀我宋受命守吏即王宮為

居棟宇宏敞他郡莫及始錢氏作堂名閱禮至和中華敏孫公沔來守更飭治之易名中和守居負鳳凰

山堂跨山憑高蘇文忠公嘗謂下瞰海門洞視萬里觀覽之傑可想建炎初高宗南巡登斯堂賦詩八十

言奎章睿藻流於人間尋易名曰偉觀紹興停鑿浸

久因其地叛行宮而守廨遂徙於清波門之北今所治是也惠國趙侯被命尹政之明年綱舉日張民情決和顧解處闈闐失官守崇密之體侯曰此弗可已也乃撤廢屋疏朽壞築八十四堵為堂三十七楹獲禾舊名勝曰中和人徒見其堂之成而不聞其費且勞嘆其室之美而不知其意有所寓余嘗造侯要余觀焉雖無異時凌虛驚遠壤異絕特之觀然華欄邃宇修欄曲檻崇廣觀深亦足以摠雅思而滌煩襟視故有殊而猶取昔名侯欲存前賢之義而施於政事者將有所推本侯名時侃字仲和今以司農卿兼知府事云也泃中和堂詩老來重守鳳凰城千里人未易平樂職古賢形嘆頌中和終不為虛名

有美堂 名勝志 在吳山頂宋嘉祐二年梅摯以龍圖

閣出守仁宗賜以詩有地有湖山美之句因名其堂

歐陽修為記蔡襄書今故址不存而府治後堂尚仍

其名 蘇軾與述古自有美堂乘月夜歸詩娟娟明月照前軒漱漱星河半隱山魚鑰未收清夜永鳳

簫猶在翠微間淒風瑟縮經絃柱香霧淒迷着髻鬟共喜使君能鼓樂萬人爭看火城還

清暑堂 乾道臨安志 治平三年郡守蔡襄建在州治

之左并撰記及書刻石堂上 蔡襄清暑堂記 枕於吳

屬海又多陂池以故苦濕方春夏時梅雨蒸鬱礎甃皆汗披織衣覆大厦猶鼻息奄奄不得曠快非有高明之居曷以禦之於是清暑之堂作焉清暑負州廨之左直海門之衝其風遠來灑然薄人日決事佚而忘勞至者莫不悅之前有江海浩蕩無窮之勝潮濤早暮以時上下奔騰洶湧蔽映日月雷霆鼓駭方輿動搖浮商大舶往來聚散乎其中朝霞夕景不續而彩翠旁走羣山濱山而湖崖濼瀾漫巖岫峯嶺崑崙乎河漢之上蒼烟白雲少頃萬變茂林香草冬榮不凋此所以娛君之視聽也及夫夏日比室煩燠方且披軒闥據高涼放浪於無何翺翔於至極蕭然而自適或賓友環次鳴管契瑟醜酒均餌歌呼暝醉此所以憚君之心意也於民乎何有豈不與昔人廬於遠野者異哉余謂之日唯人之情不得其適則慌然余於

是堂也愈吾疾亦於是休吾心焉體康志寧然後究民之不至而教之度民之所有而用之去其所不願就其所便安如得其平於為惠也亦大矣乘其間也燕賓朋接和好是亦為政也遂以其說為清暑堂記

雙檜堂

錢塘縣志在鳳凰山府舊治

泊宅編東坡帥杭一日與徐疇

坐雙檜堂上指檜吟曰二疏辭漢去以兄弟皆補外也疇對曰大老入居來

講易堂

咸淳臨安志在府治愛民堂東紹興十六年

安撫張澄建名吏隱堂隆興元年郡守陳輝改名講

易張孝祥書

葛立方講易堂記事莫夥於官學莫邃於易游刃叢劇之地濟咀奧蹟之境能

於一時相兼而不相廢者夏夏乎其難哉福唐陳公逢掖時已單思潔靜精微之教既筮仕靡勞弗宣聲大彰白天子知之特付衆大之區而牧焉公以一身任之無巨細畢濟其必有一其源者乃於府治之東為講易堂延龍舒易經師王虛中居之帥子弟從焉蓋欲窮其所未盡也虛中嘗著易論四十篇準繫解

易二十四卷大率顛以古易正文為主鈞深致遠自得於心又豈如前人屋下架屋之比哉陳公字晦叔名輝虛中名日休

紹定壬辰安撫余天錫重建

簡樂堂

咸淳臨安志在府治設廳後光宗以青宮領

尹奏疏有訟簡刑清百姓和樂之語後二年郡守胡

與可撫二字名堂且乞御書今府治後堂即其故址

薛元鼎簡樂堂記輦轂之下雜八方人物銜笏訟牒抵闕相分最號為難理故於帥每難其人乾道辛卯東宮以民事到南衙如大虛一聲人自怙懼如半天一照毫髮無所逃既而為堂於設廳之背時出而從容其間若無事可理而畿甸熙熙盡在春風和氣中矣蓋嘗奏疏自期有訟簡刑清百姓和樂語不二年既效又二年胡與可承乏府事迺采其語以名堂仍請天書而榜之示將來法焉元鼎執經備數宮僚宜為紀其實且銘之曰浩穰繁劇情偽百出雖有智者莫窮目力惟是此心應以虛一鏡照妍媸分曲直

物晦必明事虛必實姦伏目梏不在發擿事往心開
庭空人寂故雖至勞而將至逸允矣前星行之昨日
至今塗巷懽聲洋溢惟簡則樂
此理不易昭揭茲堂以垂千億

承化堂 咸淳臨安志在府治愛民堂後嘉定間安撫

袁韶建

三桂堂 咸淳臨安志在府治承化堂側

恕堂 咸淳臨安志在府治清暑堂前紹定間安撫余

天錫建

松檜堂 咸淳臨安志在府治中和堂西淳祐間安撫

趙與憲建

愛民堂 咸淳臨安志在府治清暑堂東淳祐九年安

撫趙與憲建明年理宗御書愛民篇因以名堂仍請

御書爲扁

景蘇堂 咸淳臨安志在府治簡樂堂西景定三年安

撫魏克愚建 萬歷杭州府志以蘇文忠嘗守郡故也

見廉堂 咸淳臨安志在府治中和堂前舊爲七間堂

咸淳五年安撫潛說友撤而新之樓其上最爲高聳

面南諸峰若拱若揖堂成適有足見廉能之褒因取

爲名 馮夢得見廉堂記聖君以恭儉化天下歲下詔書廣宣厥道越郡國吏罔不用勸思所以風厲

之動於耳目而周乎區蓋之間夫豈徒哉惟京尹卓犖諸夏知遠之近知風之白據會要以觀方來以爲莫先於此而簡修之具行焉迺咸淳六年戶部侍郎潛君守京兆至是二年矣政修人和百爲克開每歲

終考其成無一人之獄計所裁縮代九縣輸四五等
戶租一年椿釀庫本爲緡凡五百萬此其大較也高
第轉聞璽書數下嘉其廉平會斯堂落成白於朝因
其廉能見名曰見廉將以習天下之爲郡國者抑自
今至於後日坐斯堂者亦將以存其見而使相爲君
子也夫灑掃庭內維民之章華袞一字其嚴矣哉烏
乎得見有常者斯可矣嬰以廉恥故人矜節行聖賢
揭厲人心之道槩如此夫廉非小善也漢時文翁黃
霸朱邑尹翁歸之屬居官可紀壹是爲本史稱良吏
凜凜甚盛故嘗論之平仲不受邑以足欲非惡富也
是幅利也義也子文不勤民以自封非厭取也是庇
民也仁也懷仁義以事君而廉在其中矣是皆無所
爲而爲之也烏乎推是心也千載而下
猶將見之潛君名說友字君高栢蒼人

宣化堂

劉基杭州路重修府治記杭爲東南大郡寶

呵公爲總管理而新之其視事之堂卽其舊名曰宣
化

秋香堂

乾道臨安志在漕臺舊治轉運使劉旣濟建

節愛堂

咸淳臨安志在兩浙轉運司寶祐初運使王

克仁建

周咨堂

振襟堂 寬民堂 咸淳臨安志在兩浙轉

運司並淳祐間運副魏峻建

繡春堂

公生明堂 咸淳臨安志在兩浙轉運司並

景定間運副魏克愚建

仁惠堂

咸淳臨安志在兩浙轉運司紹定初運副陳

宗仁建

浩春堂

風月堂 咸淳臨安志並在通判廳

芙蓉堂

咸淳臨安志在僉書判官廳咸淳四年安撫

潛說友重建

畫簾堂

咸淳臨安志在錢塘縣舊治

無倦堂

倪思無倦堂記宋淳熙十一年陳鞏宰仁和

葺縣舍北向數椽為齋名曰無倦

安微堂

嘉靖仁和縣志在縣治宋嘉泰二年令胡巨

卿建

湖山堂

咸淳臨安志在蘇公堤第二橋西咸淳三年

安撫洪燾創棟宇雄傑而勢端閎闊巒層疊水光滉

漾四浮圖列四隅前則雷峰保叔後則南北二高其

後芙蕖菰蒲蔚然相扶後三年安撫潛說友增建水

閣卓然為西湖最勝

柏堂

蘇軾孤山二詠引孤山有陳時柏二株其一為

人所薪山下老人自兒時已見其枯矣然堅悍如金

石愈於未枯者僧志詮作堂其側名曰柏堂與白公

居易竹閣相連屬余作二詩記之

錢塘縣志在西泠橋東坡所云九朝

三見太平年是也

隱居堂

晏公類要後漢陸瑋隱居靈隱山學易圖淮

南王及元師之像又名九師堂

思真堂

陸羽二寺記許邁字遠遊建在靈隱山

錢塘縣志

今靈隱山有許由舊蹟是因遠遊而誤也其見於陸羽記者可證

丹竈堂 陸羽二寺記葛洪煉丹之所

德生堂 咸淳臨安志紹興間請以西湖為放生池慶

元四年安撫趙師異創德生堂於石函橋西內翰高

文虎為記又作二亭於傍曰飛泳曰枕山

德生堂飛泳亭二扁皆御書

涼堂 四朝聞見錄孤山涼堂西湖奇絕處也植梅數

百株堂中素壁四堵蕭照畫

鑑堂 咸淳臨安志在孤山

南漪堂 董嗣杲西湖白詠引在錢塘門外菩提寺西

東坡咏南漪堂杜鵑花詩即此後為玉壺園

玉蓮堂 咸淳臨安志在錢塘門外菩提寺南景定二

年安撫馬光祖建三年安撫魏克愚奉玉蓮堂奎扁

揭於此 武林舊事原名一清堂萬曆杭州府志湖中

玉蓮舊在郡治教場之南景定三年移於錢塘門外

扁曰一清後以堂外多種白蓮復揭玉蓮舊賜額

閱古堂 四朝聞見錄在大廟側本韓魏公舊名佐胃

因名青衣泉曰閱古泉為流觴曲水有桃坡十二級

湖堂 乾道臨安志在豐豫門外堂前有集賢亭武林

舊事舊在聳翠樓側 薛昂題湖堂詩一段風烟不可

今何在此日漁舟任自閒風觀簇新霄漢上龍洲
依舊水雲間歸來邱壑多幽趣願與諸賢約往還

冰壑書堂

武林舊事樞密金淵號冰壑嘗作書堂積

慶永清二山在後平鼎山在左湖山在前乃南北二

峰之中最高處也理宗御書積慶山怡顏藏書農圃

以賜之

翠樾堂

見楊蟠西湖百詠

西嶺草堂

見楊蟠西湖百詠

雪江書堂

武林舊事在蘇公堤第四橋胡賢良悅所

居

曲江草堂

錢塘縣志在五雲山下元錢惟善故居

題曲江草堂詩浣花去後鍾山遠今見風流在曲江
八十儀型猶有幾三千詞賦總無雙屋頭秋老凌霜
樹竹下春閒聽雨窗好向西
村尋舊隱月輪峰磻響飛瀧

依光堂

董嗣杲西湖百詠引本錢氏靈芝崇福寺紹

興中阜陵臨幸因創堂扁曰依光

萬曆杭州府志朱
進士題名之地

賀蘭堂

袁桷賀蘭堂記靈武李公居錢塘三十年築

其第之堂而名之曰賀蘭志不忘本也

樂壽堂

袁桷樂壽堂詩序葛嶺有堂顏曰樂壽容齋

李公習靜之所

山舟堂

錢塘縣志在城南天龍寺內元貫酸齋雲石

嘗讀書於此山舟二字雲石書

愛蓮堂

戴表元愛蓮堂記相臺唐伯榮居錢塘東圃

有池植蓮其中生一莖雙花好事者繪為畫圖於是

取周元公語名其並池之堂曰愛蓮

快雪堂

萬歷錢塘縣志在孤山四賢祠傍馮夢禎之

別墅

清愛堂

嘉靖海寧縣志在舊縣治內

郭知運清愛堂詩清愛堂前竹

色佳畱烟帶月翠橫斜日長吏散庭空後風景蕭蕭對瀹茶

綠遶堂

嘉靖海寧縣志在縣後圃

陳申重修綠遶堂記予至海昌之二

年既葺故亭而新之勝曰仰高矣直亭而南有堂歸然上漏旁穿不知廢於何時詢之里人張似之云綠遶之名得於橫浦張先生蓋取王荆公一水護田之句風在職者使知農田為務特加修正以著遺範移

植醱醱於後卽支木為架敷條舒蔓其下可坐十人餘則盡循其故春夏之交雲隴收黃雪縑堆白稻田桑野葱蒨彌望主人休其心於觀相彈琴不下坐見穎栗堅好之實邑民相與飽食而嬉里胥足不及門賦輸告辦吏塞責矣若乃春月流天蕙風飄香合杯促坐酬歌醉舞則非先生所以命亭之意予恐有訛斯堂之勝而以民事為緩者故併書以記

晞梅堂

嘉靖海寧縣志在縣尉廨

一經堂

海寧縣志元朱圭建

貢師泰一經堂記一經堂者海昌朱肅齋氏名

之以訓其子叅政周公伯溫所書也肅齋之子從余游請余為記余謂六經盡載聖人之道何獨取一經豈不以漢韋賢有一經教子之說耶不然將先明一經而他經從可明也夫經之日有六為說不同而道則未嘗不貫於一三五以降歷世益遠然其垂訓立教不過數十言而止至我夫子贊序刪正更加述作可謂極盛實亦不過數百卷而止耳以數百卷之書明數十言之旨簡易精潔如天地運行如日月照

東仙江通元 卷三十一 九
臨其道未嘗不廓然而公燦然而明也及秦漢諸儒
各出已見務為專門議論詆訾於是簡冊之多棟充
牛汗既已湮塞聖道分裂經旨不可究極近世海內
之士疲精竭力靡然向風恣為新奇之言巧飾頗僻
之見烏乎大道之晦一至於此向非周程張邵朱呂
數君子者出孰能發微言於既昧之中尋墜緒於不
傳之後乎今之學士大夫執其全書因以潛觀默識
旁通四覽則亦幸矣然有讀書萬卷而實無一言之
得者有探一言之要而終身守之不失者其故何也
道之明與不明而已鑿也文公諸孫其庶幾有得於
此歟不然雖口誦六
經無益况一經哉

合香堂

富陽縣志在縣圃

癸辛雜識先君宰富陽闢
縣圃鑿池建堂適有雙蓮

之瑞因名合香堂取古
詩風合兩花香之句

瑞蓮堂

萬曆杭州府志餘杭縣治內之東因白蓮花

池故名

元祐學堂

咸淳臨安志在臨安縣治景定三年令家

之巽建

九龍堂

萬曆杭州府志在臨安縣廳東北

袞繡堂

嘉靖於潛縣志宋隆興初令葉衡於廳之東

偏築堂為退思之所慶元中衡入相命邵文炳名其

堂曰袞繡嘉泰三年縣治火此堂獨存

邵文炳袞繡
堂記潛治山

溪幽深其俗險而質其民勁而武故常難服而易化
苟有以應所儀則相與愛敬而不忘金華葉公之來
察里閭情偽鏡於植立廳事東偏有堂深靜而虛明
為退思之所融融萬理出而施之所以洗濯而鼓舞
其民者烝烝無復苟且之意邑人誇詡以為昔所未
有後公來者欲踐武增光而未能也袞衣繡裳室邇
人遠之歎及茲未泯不獨慰父老思戀而卉木映帶
軒廡欣榮亦發越而形見焉登茲堂而遐觀心存古

人夢接千載能使民安其生物得其所於以
寫鳴絃之遺音歌袞繡之聲詩思無愧矣

景覽堂 萬歷杭州府志在於潛縣治簿廳左

梅隱堂 高雅堂 嘉靖於潛縣志並在縣治內

深清堂 萬歷杭州府志在新城縣治內取蘇文忠亂

山深處長官清之句

滴翠堂 咸淳臨安志在昌化縣治面對羣山乾道八

年令卞園創

朝陽堂 萬歷杭州府志在昌化縣舊治宋縣令卞園

建

三瑞堂 萬歷杭州府志在昌化舊縣後宋景定中邑

西鳳凰山產瑞麥及諸山產嘉禾嘉粟縣令劉宗憲

表獻於朝理宗作詩紀之因作此堂而勒御書於上

清白堂 萬歷杭州府志在三瑞堂左宋咸淳中縣令

李長儒建

瑞應堂 萬歷杭州府志在昌化舊縣簿廳後宋建又

有應宿堂元建

靜觀堂 成化杭州府志在昌化縣南覽溪蕭源章氏

山莊宋章詡建

章詡首夏靜觀堂書懷詩杖策下層嶺來憇雲外莊簷低繞頽垣澹泊在

一堂山高戶牖虛水清長夏涼翳翳動林影激激浮溪光心遠與世隔獨有文史香汲井資嚙嗽蔣藥助體強園中橘為奴沼內芟堪裳蒼官青不老籬下明秋芳陶情在庶物養性歸琴觴矯首起遐觀此中有

梁濠

畫錦堂

昌化縣志在覽川宋處士章運之建

損齋

咸淳臨安志紹興二十八年十一月高宗出御

札損齋記石本以賜羣臣論之曰朕宮中嘗闢一室

名為損齋置經史其中朝夕燕坐嘗作記以自警

宋高宗

宗損齋記嘗謂當天下之正位撫域中之萬微苟無以立其獨則多見弊精神疲意志而不知止廣宴遊事不急膠膠擾擾莫收其放心顧能回光抑損之道豈不較然有感於斯且漢唐之君樂道為切而未燭元覽武帝以雄心非用損以持盈也明皇以侈心非知損以守位也推原本指俱失滿戒茲鑒往事夕惕以思凡追逐時好一切長物率屏去不復經意几案間但有書史商確古今盡撤無益示不貴之化其於蕩心侈日者罔不掃除清心寡欲省緣薄費者奉以周內焉不則染毫弄翰真草自如濃淡斜行茂密惟

意第於筆硯間有未能忘情似賢乎已大乾坤之道易簡也易簡則天地之理得矣傳曰器用不作車服從給信斯言哉宵旰餘暇乃闢殿廡之側明窗靜戶為游息之所欣然撫前說勝日損齋朝夕清燕視以自警庶幾損德之修自奉養有節式稽於訓

易安齋

四朝聞見錄光堯御書於郊壇易安齋曰謁

款秦壇因過易安齋愛其去城不遠巖石幽邃得天

成之趣為題梅巖詩

高齋

避暑錄話在州宅內清暑堂之後舊踞城闌橫

為屋五間下瞰虛白雖不甚高大而超出州宅之上

故為州者多居之

嚴維高齋詩詩家九日憐芳菊遲客高齋對浙江漁浦浪花搖素壁

西陵樹色入秋窗木奴向熟懸金實桑落新芻瀉玉釭四子醉時多講德笑論黃霸屈為邦

隱秀齋 名勝志在通判北廳宋蘇軾書紹興四年始

刻石趙令時書其下

莫能名齋 咸淳臨安志在寶蓮山慈湖楊文元公創

萬歷杭州府志在浙西安撫司幹辦公事廳內

名齋記四明楊簡為浙西撫屬淳熙十一年八月朔既領事而宅僦隘陋無晏息之所偶得在官僧屋於寶蓮山之顛帥君為更其居又使簡惟意規摹之乃創書室於高爽之地且曰是不可以不命名簡思所以名之東望大江巨濤際天越山對揖袞袞如畫風帆飛鳥夕陽烟蕪朝暮晦明變態百出於是間名之乎如此命名不惟游逸沉溺要不可謂真識江山西望錢湖玉潔如鏡茂林奇峰樓觀輝目烟靄翠蒙樓寫不可於是間名之乎如此命名不惟游逸沉溺要不可謂真識湖山返而即諸本真歛其放情落其外慕窮理密之幽微探元珠之杳莫不則事理兩融曲暢旁通百川會同歸宿乎中又不則悠然無事惟意所之無所造為樂亦熙熙於是間名之乎如此命名不惟游逸沉溺俱不可為實識本真周思天下古今名言無一可以稱此又豈惟簡莫能名正恐盡明智絕識之士竭意悉慮終莫能名於是勝曰莫能名齋然則終不可得而名之乎曰有能名之者是齋之南高松扶疎微風過之蕭然有聲是能名吾齋矣是齋之東洪濤駕風怒號翻空是能名吾齋矣是齋之西湖光翠迷花飛鳥啼是能名吾齋矣是齋之北屋與其麓鱗比甍屋人物往復啾啾碌碌是能名吾齋矣有嘲曰既莫能名又曰是能名何其立說之無常簡曰常淳熙乙巳仲春月記

西齋 許渾有遊錢塘青山李隱居西齋詩

雪齋 武林舊事在方家峪西林法慧寺武林雜記宋

慶曆中僧法言作激水為池疊石為山灑粉樹杪狀若飛雪蘇軾題曰雪齋秦觀為記



學古齋 戴表元學古齋記州城之西西秦張仲實居

之巴西鄧善之與仲實交分一室共居題曰學古齋

浩然齋 蓉塘詩話周密公謹晚年寓居錢塘癸辛街

作癸辛雜識 趙孟頫寄周公謹錢塘寓居詩三年漫仕尚書郎夢寐無時不故鄉輸與錢塘

周老子浩然齋裏坐焚香

困學齋 戴表元困學齋記鮮于伯機為杭三司史掾

方營一室名曰困學之齋

選德齋 萬歷杭州府志在海寧縣西廳之後

思政齋 嘉靖於潛縣志在縣治宋寶慶中令方熙重

建依山占勝為他邑之冠

石林軒 乾道臨安志在舊府治後至和中郡守孫沔

建初號燕思閣又取臨安淨土寺立石七株置之閣

前蒼然奇怪號七賢石元祐中郡守蒲宗孟改名石

林軒

聽雨軒 咸淳臨安志在府治中和堂後景定五年安

撫劉良貴建取東坡詩中和堂後石楠樹與君對床

聽夜雨之句為名

清明平軒 咸淳臨安志在府治簡樂堂後咸淳五年

安撫潛說友揭諸便坐

樂清軒 徐一夔樂清軒記姑孰鄭君芳桂擢知錢塘

治其公署之東偏爲退食之所顏之曰樂清

勤清軒 萬歷杭州府志在舊錢塘縣治

南屏軒 四朝聞見錄小南屏山面對南屏軒

此君軒 董嗣杲西湖百詠引在壽星寺西廊寺門坡

下又有亭名一擊軒基不得而考

一笑軒 萬歷靈隱寺志在靈鷲

借竹軒 錢塘縣志在吳山舊瑞隆院傍宋秦觀曾宿

軒中夢天女以維摩像求贊

學士軒 成化杭州府志在保叔塔右元集賢學士黃

潛遊杭僧炬爲築此軒舍之

蘭芳軒 貝瓊蘭芳軒記永嘉李至剛僑居錢塘城東

闢室樹蘭其前顏曰蘭芳

君子軒 戴表元張園玩月詩序元大德戊戌八月合

讌於君子軒之圃圃主清河張樸仲實其族子煇烈

客剡源戴表元錢塘屠約龍泉陳康祖會稽王潤之

戴錫嘉興顧文琛並集焉

醉墨軒 徐一夔醉墨軒碣錢塘俞和子中所居元至

正時朝廷修宋遼金三史行文浙江行省繕寫鏤版

屬子中校正

萬玉軒 西湖遊覽志在石人嶺後時思薦福寺側地

近西溪最多古梅游河渚者必至焉

友梅軒 劉基友梅軒記臯亭之山有隱者以友梅字

其軒環其居皆梅也隱者王姓景名

挺立軒 咸淳臨安志鹽官縣丞廳

環綠軒 嘉靖海寧縣志在長安鎮環水宋濂為鎮人

游氏賦云水竹佳致詩書雅懷樂只君子悠哉悠哉

棟花軒 舊浙江通志去海寧縣五十里環溪多棟因

以名溪宋安化王之裔構數椽於上明青田劉基署

曰棟花軒

雙檜軒 海寧縣志在悟空塔前蘇文忠公有雙檜詩

又有問牛軒亦在塔前鹽官令張昱有詩

鞠月軒 萬歷杭州府志在富陽縣後堂

天趣軒 萬歷杭州府志在餘杭縣南湖宏治間尚書

鄒幹重建

有秋軒 嘉靖臨安縣志在縣廨西北宋景定三年令

家之異建

深明軒 咸淳臨安志在於潛縣治寶慶丁亥令方熙

重建

此君軒 嘉靖於潛縣志舊名綠筠東坡行縣題詩後

徙於縣治宋寶慶初易名此君在今儒學後軒 洪治夔此

君軒記軒舊隸寂照精舍東坡倅杭行縣為賦不可
居無竹之詩隆興初徙於縣治袁繡堂之東開禧間
嘗重建寶慶初避上嫌名桐江方侯熙易名此君仍
用坡詩取晉王徽之語也蘇軾於潛僧綠筠軒詩可
使食無肉不可居無竹無肉令人瘦無竹令人俗人
瘦尚可肥士俗不可醫傍人笑此言似高還似癡若
對此君仍大嚼世
間那有揚州鶴

日城軒 嘉靖於潛縣志在縣丞廳宋建婁機日城軒詩高軒多暇

日安齋獨怡神風俗無今古雲山自主賓灘平分燕尾松老半龍鱗徙倚清陰下吟成愧昔人

綠筠軒 輿地紀勝在昌化縣治

陶雲軒 銜翠軒 夕霏軒 昌化縣志並在縣治俱



宋令卞園建

中和軒 萬曆杭州府志在昌化縣後元建

桃竹軒 咸淳臨安志在昌化縣參寥子道潛有題王


悅道桃竹軒詩

鑑軒 萬曆杭州府志在昌化縣



五保製大日

勅修浙江通志卷三十九



西華製大印



詩隆典
慶初遊
晉王徽
不可若無竹無肉令人瘦無竹令人俗人
士俗不可醫傍人笑此言似高選似痴者
州鶴

靖外清縣志在縣丞廳宋建
豐機廿載軒
詩高軒多暇

治神風俗無今古雲山自主賓
詩平
龍騰從倚清陰下吟成
詠人

識神 萬想林快神志 五昌卦

外嶺神神詩

嶺神 嶺南志 五昌卦 嶺南志 嶺南志 嶺南志

